



大唐三藏聖教序

樹

蓋聞二儀有象顯覆載以含生四時無形潛寒暑以化物是以窺天鑑地履愚皆識其端明陰洞陽賢哲罕窮其數然而天地苞乎陰陽而易識者以其有象也陰陽處乎天地而難窮者以其無形也故知象顯可徵雖愚不惑形潛莫覩在智猶迷况乎佛道崇虛乘幽控寂弘濟万品典御十方舉威靈而无上抑神力而无下大之則弥於宇宙細之則攝於毫釐无滅無生歷千劫而不古若隱若顯運百福而長今妙道凝玄遵之莫知其際法流湛寂挹之莫測其源故知蠢蠢凡愚區區庸鄙投其盲趣能无疑惑者哉然則大教之興基乎西土騰漢庭而皎夢照東域而流慈昔者分形分迹之時言未馳而成化當常現常之世民仰德而知遵及乎晦影歸真遷儀越世金容掩色不鏡三千之光履象開音空端四八之相於是微言廣被極會類於三塗遺訓遐宣導群

說唐三藏聖教序

生於十地然而真教難仰莫能一其旨歸曲學易遵邪正於焉紛亂所以空有之論或習俗而是非大小之乖乍泯時而隆替有玄禁法師者法門之領袖也切懷貞敏早悟三空之心長契神情先苞四忍之行松風水月未足比其清華仙露明珠誰能方其朗潤故以智通無累神測未形超六塵而迥出隻千古而无對疑心內境悲正法之陵遲拙慮玄門慨深文之訛謬思欲分條析理廣彼前聞截為續真開茲後學是以翹心淨土往遊西域乘危遠邁杖策孤征積雪晨飛途間失地驚砂夕起空外迷天万里山川撥煙霞而進影百重寒暑躡霜雨而前蹤誠重勞輕求深願達周遊西宇十有七年窮歷道邦詢求正教雙林八水味道養風庶苑驚峯瞻奇仰異承至言於先聖受真教於上賢探蹟妙門精窮奧葉一乘五律之道馳驟於心田八藏三篋之文波濤於口海爰自所歷之國摠將三藏要文凡六百五十七部譯布中夏宣揚勝

說无垢稱經卷第一

業引慈雲於西極注法雨於東垂聖教缺而復全蒼生罪而還福濕火宅之乾焰共拔迷途朗愛水之昏波同臻彼岸是知惡因業墜善以緣昇昇墜之端惟人所託辭夫桂生高嶺雲露方得滋其華蓮出淥波飛塵不能汙其葉非蓮性自潔而桂質本貞良由所附者高則微物不能累所憑者淨則濁類不能沾夫以卉木无知猶資善而成善况乎人倫有識不緣慶而求慶方莫茲經流施將日月而無窮斯福遐敷與乾坤而永大

皇太子臣治述 聖記

夫顯揚正教非智無以廣其文崇闡微言非賢莫能定其旨蓋真如聖教者諸法之玄宗衆經之軌躅也綜括宏遠奧旨遐深極空有之精微體生滅之機要詞茂道曠尋之者不究其源文顯義幽履之者莫測其際故知聖慈所被業無善而不臻妙化所敷緣无惡而不剪開法網之綱紀引六度之正教極群有之塗炭啓三藏之秘局是以名無翼而長飛道无根而

說无垢稱經卷第一 第四分 樹字号

永固道名流慶歷遂古而鎮常赴感應身經塵劫而不朽晨鍾夕梵交二音於鷲峯慧日法流轉雙輪於鹿苑排空寶蓋接翔雲而共飛莊野春林與天花而合彩伏惟

皇帝陛下 上玄資福垂拱而治八荒德被黔黎殷衽而朝万国恩加朽骨石室歸貝葉之文澤及昆蟲全畫流梵說之偈遠使阿耨達水通神向之八川耆闍崛山接萬華之翠嶺竊以法性凝寂靡歸心而不通智地玄奧感懇誠而遂顯豈謂重昏之夜燭慧炬之光火宅之朝降法雨之澤於是百川異流同會於海万區分義摠成乎寶豈與湯武校其優劣堯舜比其聖德者哉玄英法師者夙懷聰令立志夷簡神清齒齒之年體拔浮華之世疑情定室匿迹幽巖栖息三禪巡遊十地起六塵之境獨步迦維會一乘之旨隨機化物以中華之无質尋印度之真文遠涉恒河終期滿字頻登雪嶺更獲半珠問道往還十有七載備通釋典利物為心以貞觀十

說无垢稱經卷第一 第五分 樹字号

九年二月六日奉勅於引福寺翻譯聖教要文凡六百五十七部引大海之法流洗塵勞而不竭傳智燈之長焰皎幽闇而恒明自非久植勝緣何以顯揚斯旨所謂法相常住齊三光之明我皇福臻同二儀之圖伏見御製東經論序照古騰今理合金石之聲文抱風雲之潤治轉以輕塵足此壁靈添流略舉大綱以馮斯記

說无垢稱經卷第一

大唐三藏法師玄奘奉 詔

序品第一

如是我聞一持薄伽梵住廣嚴城菴羅衛林與大苾芻衆八千人俱菩薩摩訶薩三万二千皆為一切衆望所識大神通業修已成辨諸佛威德常所加持善護法城能攝正法以大師子孔聲敷演美音遐振周遍十方為諸衆生不請善友紹三寶種能使不絕降伏魔怨制諸外道永離一切障及蓋纏念定捨持无不圓滿建立無障解脫智門逮得一切無斷殊勝念慧等持陀羅尼辯皆獲第一布施調

伏寂靜尸羅安忍正勤靜慮般若方便善巧妙願力智波羅蜜多成无所不起法忍已能隨轉不退法輪咸得無相妙印所印善知有情諸根勝劣一切大衆所不能伏而能調御得無所畏已積无盡福智資糧相好嚴身色像第一捨諸世間所有飾好名稱高踰於帝釋意樂堅固猶若金剛於諸佛法得不壞信流法寶光潤甘露雨於衆言音微妙第一於深法義廣大緣起已斷二邊見習相續演法无畏猶師子吼其所講說乃如雷震不可稱量過稱量境集法寶慧為大導師正直審諦柔和微密妙達諸法難見難知甚深寶義隨入一切有趣无趣意樂所歸獲無等等佛智灌頂近力無畏不共佛法已除所有怖畏惡趣復起一切險穢深坑永棄緣起金剛刀仗常思示現諸有趣生為大醫王善知方術應病與藥愈疾施安無量功德皆成就无量佛土皆嚴淨其見聞者無不蒙益諸有所作亦不唐捐設經无量百千俱胝那庾多劫讚其功德亦不能盡

其名曰等觀菩薩不等觀菩薩等不
等觀菩薩定神變王菩薩法自在菩薩
法幢菩薩光幢菩薩光嚴菩薩大
嚴菩薩寶峯菩薩辯峯菩薩寶手菩薩
寶印手菩薩常舉手菩薩常下手
菩薩常延頸菩薩常喜根菩薩常喜
王菩薩無屈辯菩薩虚空藏菩薩執
寶炬菩薩寶吉祥菩薩寶施菩薩帝
網菩薩光網菩薩無障靜慮菩薩慧
峯菩薩天王菩薩壞魔菩薩電天菩薩
現神變王菩薩峯相等嚴菩薩師
子吼菩薩雲雷音菩薩山相擊王菩薩
香為菩薩大香為菩薩常精進菩薩
不捨善軌菩薩妙慧菩薩妙生菩薩
蓮花勝藏菩薩三摩地王菩薩蓮
花嚴菩薩觀自在菩薩得大勢菩薩
梵網菩薩寶杖菩薩無勝菩薩勝魔
菩薩嚴土菩薩金鬘菩薩珠鬘菩薩
慈氏菩薩妙吉祥菩薩珠寶蓋菩薩
如是等上首菩薩摩訶薩三万二千
復有万梵持髻梵王而為上首從本
无憂四大洲界為欲瞻礼供養世尊
及聽法故來在會坐復有万二千天

帝各從餘方四大洲界亦為瞻礼供
養世尊及聽法故來在會坐并餘大
威力諸天龍藥叉健達縛阿素洛揭
路荼緊捺洛莫呼洛伽釋梵護世等
悉來會坐及諸四衆悉皆恭敬尼耶
波帝迦耶波斯迦俱來會坐
今時世尊無量百千諸耒大衆恭敬
圍繞而為說法辭如大寶妙高山王
處于大海巍然迥出路大師子勝藏
之座顯耀威光蔽諸大衆時廣嚴城
有一菩薩離咄咄種名曰寶性與離
咄咄五百童子各持一蓋七寶莊嚴
往菴羅林詣如來所各以其蓋奉上
世尊奉已頂礼世尊雙足右繞七匝
却住一面佛之威神令諸寶蓋合成
一蓋遍覆三千大千世界而此世界
廣長之相悉於中現又此三千大千
世界所有大寶妙高山王一切雪山
目真隣陀山摩訶目真隣陀山香山
寶山金山黑山輪圍山大輪圍山大
海江河陂泉池沼及百俱胝四大洲
渚日月星辰天宫龍宮諸尊神宮并
諸國邑王都聚落如是皆現此寶蓋

說無垢經卷第一 第九法 樹字

中又十方界諸佛如來所說正法皆如響應於此蓋內無不見聞

時諸大衆觀佛神力歡喜踊躍歎未曾有合掌禮佛瞻仰尊顏目不暫捨默然而住

亦時寶性即於佛前右膝著地合掌恭敬以妙伽他而讚佛曰

目淨脩廣妙端嚴 皎如青紺蓮花葉

已證第一淨意樂 勝奢摩陀到彼岸

久積無邊清淨業 獲得廣大勝名聞

故我稽首大沙門 開導希夷寂路者

既見大聖以神變 普現十方無量土

其中諸佛演說法 於是一切悉見聞

法王法力超群生 常以法財施一切

能善分別諸法相 觀第一義摧怨敵

已於諸法得自在 是故稽首此法王

說法不有亦不無 一切皆得因緣立

无我無造无受者 善惡之業亦不亡

始在佛樹降魔力 得甘露滅勝菩提

此中非心意受行 外道群邪所不測

三轉法輪於大千 其輪能寂本性寂

希有法智天人證 三寶於是現世間

以斯妙法濟群生 无思無怖常安寂

說無垢經卷第一 第十法 樹字

度生老死大醫王 稽首無邊功德海

八法不動如山王 於善不善俱慈愍

心行如空平等住 孰不承敬此能仁

以斯微蓋奉世尊 於中普現三千界

諸天龍神宮殿等 故礼智見功德身

十方神變示世間 一切皆如光影等

衆觀驚歎未曾有 故礼十方大智見

衆會瞻仰大牟尼 靡不心生清淨信

各見世尊在其前 斯則如來不共相

佛以一音演說法 衆生隨類各得解

皆謂世尊同其語 斯則如來不共相

佛以一音演說法 衆生各各隨所解

普得受行獲其利 斯則如來不共相

佛以一音演說法 或有恐畏或歡喜

或生厭離或斷疑 斯則如來不共相

稽首十力諦勇猛 稽首已得無怖畏

稽首至定不共法 稽首一切大導師

稽首能斷衆結縛 稽首已住於彼岸

稽首普濟苦群生 稽首不依生死趣

已到有情平等趣 善於諸趣心解脫

牟尼如是善修空 猶如蓮花不著水

一切相遣无所遣 一切願滿无所願

大威神力不思議 稽首如空無所住

說無垢經卷第一 第十一法 樹字

亦時寶性說此伽他讚世尊已復白

佛言如是五百童子菩薩皆已發趣

阿耨多羅三藐三菩提彼咸問我嚴

淨佛土唯願如來哀愍為說淨佛土

相云何菩薩修淨佛土作是語已佛

言寶性善哉善哉汝今乃能為諸菩

薩請問如來淨佛土相及問菩薩修

淨佛土汝今諦聽善思念之當為汝

等分別解說於是寶性及諸菩薩咸

作是言善哉世尊唯願為說我等今

者希垂聽受

亦時世尊告衆菩薩諸有情土是為

菩薩嚴淨佛土所以者何諸善男子

一切菩薩隨諸有情增長饒益即便

攝受嚴淨佛土隨諸有情發起種種

清淨功德即便攝受嚴淨佛土隨諸

有情應以如是嚴淨佛土而得調伏

即便攝受如是佛土隨諸有情應以

如是嚴淨佛土悟入佛智即便攝受

如是佛土隨諸有情應以如是嚴淨

佛土起聖根行即便攝受如是佛土

所以者何諸善男子菩薩攝受嚴淨

佛土皆為有情增長饒益發起種種

清淨功德諸善男子譬如有人欲於空地造立宮室或復莊嚴隨意无導若於虛空終不能成菩薩如是知一切法皆如虛空唯為有情增長饒益生淨功德即便攝受如是佛土攝受如是淨佛土者非於空也

復次寶性汝等當知發起無上菩提心土是為菩薩嚴淨佛土菩薩證得大菩提時一切發趣大乘有情來生其國純意樂土是為菩薩嚴淨佛土菩薩證得大菩提時所有不誑不誑有情來生其國善加行土是為菩薩嚴淨佛土菩薩證得大菩提時發起住持妙善加行一切有情來生其國上意樂土是為菩薩嚴淨佛土菩薩證得大菩提時具足成就善法有情來生其國修布施土是為菩薩嚴淨佛土菩薩證得大菩提時一切能捨財法有情來生其國修淨戒土是為菩薩嚴淨佛土菩薩證得大菩提時圓滿成就十善業道意樂有情來生其國修安忍土是為菩薩嚴淨佛土菩薩證得大菩提時三十二相莊嚴

其身堪忍柔和寂靜有情來生其國修精進土是為菩薩嚴淨佛土菩薩證得大菩提時諸善勇猛精進有情來生其國修靜慮土是為菩薩嚴淨佛土菩薩證得大菩提時具足成就正念正知正定有情來生其國修般若土是為菩薩嚴淨佛土菩薩證得大菩提時一切已入正定有情來生其國四無量土是為菩薩嚴淨佛土菩薩證得大菩提時常住慈悲喜捨有情來生其國四攝事土是為菩薩嚴淨佛土菩薩證得大菩提時諸有解脫所攝有情來生其國巧方便土是為菩薩嚴淨佛土菩薩證得大菩提時善巧觀察諸法有情來生其國修三十七菩提分土是為菩薩嚴淨佛土菩薩證得大菩提時通達一切念住正斷神足根力覺支道支圓滿有情來生其國修迴向土是為菩薩嚴淨佛土菩薩證得大菩提時其國具足眾德莊嚴善說息除八無暇土是為菩薩嚴淨佛土菩薩證得大菩提時其國永離惡趣无暇自守戒行

不識彼土是為菩薩嚴淨佛土菩薩證得大菩提時其國無有犯禁之名十善業道極清淨土是為菩薩嚴淨佛土菩薩證得大菩提時壽量決定大富梵行所言誠諦常以軟語眷屬不離善宣善意離諸貪欲心無瞋恚正見有情來生其國

諸善男子如是菩薩隨發菩提心則有純淨意樂隨其純淨意樂則有妙善加行隨其妙善加行則有增上意樂隨其增上意樂則有止息隨其止息則有發起隨其發起則有迴向隨其迴向則有寂靜隨其寂靜則有清淨有情隨其清淨有情則有嚴淨佛土隨其嚴淨佛土則有清淨法教隨其清淨法教即有清淨妙福隨其清淨妙福則有清淨妙慧隨其清淨妙慧則有清淨妙智隨其清淨妙智則有清淨妙行隨其清淨妙行則有清淨自心隨其清淨自心則有清淨諸妙功德諸善男子是故菩薩若欲勤修嚴淨佛土先應方便嚴淨自心所以者何

說無垢稱經卷第一 第十五段 佛字號

隨諸菩薩自心嚴淨即得如是嚴淨佛土

尔時舍利子承佛威神作如是念若諸菩薩心嚴淨故佛土嚴淨而我世尊行菩薩時心不嚴淨故是佛土雜微若此佛知其念即告之言於意云何世間日月豈不淨耶而盲不見對曰不也是盲者過非日月各佛言如是衆生罪故不見世尊佛土嚴淨非如来各舍利子我土嚴淨而汝不見尔時持髻梵王語舍利子勿作是意謂此佛土為不嚴淨所以者何如是佛土寂極嚴淨舍利子言大梵天王今此佛土嚴淨云何持髻梵言唯舍利子辭如他化自在天宮有無量寶功德莊嚴我見世尊釋迦牟尼佛土嚴淨有無量寶功德莊嚴亦復如是舍利子言大梵天王我見此土其地高下丘陵坑坎毒刺沙礫土石諸山微惡充滿持髻梵言唯大尊者心有高下不嚴淨故謂佛智慧意樂亦尔故見佛土為不嚴淨若諸菩薩於諸有情其心平等功德嚴淨謂佛智慧

說無垢稱經卷第一 第十六段 刹字號

意樂亦尔便見佛土寂極嚴淨尔時世尊知諸大衆心懷猶豫便以足指按此大地即時三千大千世界無量百千妙寶莊嚴辟如功德寶莊嚴佛無量功德寶莊嚴土一切大衆歎未曾有而皆自見坐寶蓮花

尔時世尊告舍利子汝見如是衆德莊嚴淨佛土不舍利子言唯然世尊本所不見本所不聞今此佛土嚴淨悉現告舍利子我佛國土常淨若此為欲成熟下劣有情是故示現無量過失雜穢土耳舍利子辭如三十三天共寶器食隨業所招其食有異如是舍利子無量有情生一佛土隨心淨穢所見有異若人心淨便見此土無量功德妙寶莊嚴當佛現此嚴淨土時寶性所將五百童子一切皆得無生法忍八万四千諸有情類皆發无上正等覺心時佛世尊即攝神足於是世界還復如故求聲聞乘三万二千諸天及人知有為法皆悉無常遠塵離垢得法眼淨八千苾芻永離諸漏心善解脫

說無垢稱經卷第一 第十七段 樹字號

顯不思議方便善巧品第二

尔時廣嚴城中有大菩薩離咄咄種名無垢稱已曾供養無量諸佛於諸佛所深殖善根得妙辯才具無生忍逮諸持持遊戲神通獲无所畏摧魔怨力入深法門善於智度通達方便大願成滿明了有情意樂及行善知有情諸根勝劣智度成辨說法淳熟於大衆中決定修習於所作業能善思量住佛威儀入心慧海諸佛咨嗟稱揚顯說釋梵護世常所礼敬為欲成熟諸有情故以善方便居廣嚴城具無盡財攝益貧窮無依无怙具清淨戒攝益一切有犯有越以調順忍攝益瞋恨暴嫉楚毒以大精進攝益一切懈怠懶惰安住靜慮正念解脫等持等至攝益一切諸有乱心以正决擇攝益一切妄見惡慧雖為白衣而具沙門威儀功德雖處居家不著三界示有妻子常修梵行現有眷屬常樂遠離雖服寶飾而以相好莊嚴其身雖現受食而以靜慮等至為味雖同樂著博奕嬉戲而實恒為成熟

有情雖棄一切外道軌儀而於佛法
意樂不壞雖明一切世間書論而於
內苑賞玩法樂雖現一切邑會眾中
而恒為寂說法上首為隨世教於尊
卑等所作事業示無與亦雖不希求
世間財寶然於俗利示有所習為益
舍識遊諸市衢為護群生理諸王務
入講論處導以大乘入諸學堂誘開
童蒙入諸姓舍示欲之過為令建立
正念正知遊諸伎樂若在長者長者
中尊為說勝法若在居士居士中尊
斷其貪著若在刹帝利刹帝利中尊
教以忍辱若在婆羅門婆羅門中尊
除其我慢若在大臣大臣中尊教以
正法若在王子王子中尊示以忠孝
若在內官內官中尊化正宮女若在
庶人庶人中尊修相似福殊勝意樂
若在梵天梵天中尊示諸梵眾靜慮
差別若在帝釋帝釋中尊示現自在
悉皆無常若在護世護世中尊守護
一切利益安樂是无垢稱以如是等
不可思議無量善巧方便慧門饒益
有情其以方便現身有疾以其疾故

國王大臣長者居士婆羅門等及諸
王子并餘官屬無數千人皆柱間疾
時無垢稱因以身疾廣為說法言諸
仁者是四大種所合成身無常无強
無堅无力朽故迅速不可保信為苦
為惱眾病之器多諸過患變壞之法
諸仁者如此之身其聰慧者所不為
怙是身如聚沫不可揅摩是身如浮
泡不得久立是身如陽焰從諸煩惱
渴愛所生是身如芭蕉都無有實是
身如幻從顛倒起是身如夢為虛妄
見是身如影從業緣現是身如響屬
諸因緣是身如雲須臾變滅是身如
電念念不住是身無主為如地是身
无我為如水是身无有情為如火是
身無命者為如風是身无有補特伽
羅與虚空等是身不實四大為家是
身為空離我我所是身無知如草木
等是身无作風力所轉是身不淨穢
惡充滿是身虛為雖假覆蔽飲食將
養必歸磨滅是身多患四百四病之
所集成是身易壞如水墜級常為朽
老之所逼迫是身无定為要當死是

身如怨害周遍毒蛇之所充滿是身
如空聚諸蘊界眾所共合成諸仁者
亦如是身應生厭離於如來身應起
厭樂所以者何如來身者無量善法
其所集成從修无量殊勝福德智慧
所主從修無量勝戒定慧解脫解脫
智見所生從修慈悲喜捨所生從修
布施調伏寂靜戒忍精進靜慮解脫
寺持等至般若方便願力智生從修
一切到彼岸生修六通生修三昧生
修三十七菩提分生修止觀生從修
十力四無畏生從修十八不共法生
從斷一切不善法集一切善法生從
修諦實不放逸生從修无量清淨業
生諸仁者如來之身功德如是汝等
甘應發心求證汝等欲得如是之身
悉除一切有情病者當發阿耨多羅
三藐三菩提心是无垢稱為諸集會
米問疾者如應說法今无数千人皆
發阿耨多羅三藐三菩提心

說無垢稱經卷第一

說無垢稱經卷第一

校勘記

一 底本，金藏廣勝寺本。

一 九〇七頁中一行至九二二頁下九行，此二序諸本無。

一 九〇八頁下一行首字「大」，**資**、**南**、**徑**、**清**無，以下各卷同。

一 九〇九頁上末行首字「俱」，**資**、**磧**、**普**、**南**、**徑**、**清**作「拘」。

一 九〇九頁中末行第一一字「万」，**石**、**資**、**磧**、**普**、**南**、**徑**、**清**作「一萬」。

一 九一〇頁上一行第一二字「正」，**石**無。

一 九一〇頁上九行第一一字「施」，**資**、**磧**、**普**、**南**、**徑**、**清**作「他」。

一 九一〇頁上一七行第一一字「得」，**資**、**磧**、**普**、**南**、**徑**、**清**作「待」。

一 九一〇頁上末行第九字「思」，**石**作「畏」。

一 九一〇頁中七行第一一字「力」，**資**、**磧**、**普**、**南**、**徑**、**清**作「方」。

一 九一〇頁下一行「希垂」，**石**、**麗**作「皆希」。

一 九一一頁上一四行首字「住」，**資**、**磧**、**普**、**南**、**徑**、**清**作「任」。

一 九一一頁上二二行第六字「上」，諸本作「土」。

一 九一二頁上七行第一一字「盲」，**資**、**磧**、**普**、**南**、**徑**、**清**作「盲者」。

一 九一二頁上一四行第八字「何」，**磧**作「何受」。

一 九一二頁下一行品名前，**麗**有經名「說無垢稱經」。

一 九一二頁下九行第三字「衆」，**資**、**磧**、**普**、**南**、**徑**、**清**、**麗**作「乘」。

一 九一三頁上二行首字「意」，**磧**作「音」。

一 九一三頁上四行「為最」，**資**、**磧**、**普**、**南**、**徑**、**清**作「最為」。

一 九一三頁中一〇行第一〇字「都」，**資**、**磧**、**普**、**南**、**徑**、**清**作「覩」。

一 九一三頁中一四行第九字「主」，**磧**作「生」。

一 九一三頁下七行首字「智」，**資**、**磧**、**普**、**南**、**徑**、**清**、**麗**作「知」。



說無垢稱經卷第二

樹

大唐三藏法師玄奘譯

聲聞品第三

時無垢稱作是思惟我嬰斯疾寢頓
 于牀世真大悲寧不垂憐而不遣人
 來問我疾亦時世尊知其所念哀憐
 彼故告舍利子汝應往詣無垢稱所
 問安其疾時舍利子自言世尊我不
 堪任詣彼問疾所以者何憶念我昔
 於一時間在大林中宴坐樹下時无
 垢稱來到彼所稽首我足而作是言
 唯舍利子不必是坐為宴坐也夫宴
 坐者不於三界而現身心是為宴坐
 不起滅定而現諸威儀是為宴坐不
 捨一切所證得相而現一切異生諸
 法是為宴坐心不住內亦不行外是
 為宴坐住三十七菩提分法而不離
 於一切見趣是為宴坐不捨生死而
 無煩惱雖證涅槃而无所住是為宴
 坐若能如是而宴坐者佛所印可時
 我世尊聞是語已默然而住不能加
 報故我不任詣彼問疾

今時世尊告大目連汝應往詣無垢
 稱所問安其疾時大目連自言世尊
 我不堪任詣彼問疾所以者何憶念
 我昔於一時間入廣嚴城在四衢首
 為諸居士演說法要時無垢稱來到
 彼所稽首我足而作是言唯大目連
 為諸白衣居士說法不當應如尊者
 所說夫說法者應如法說時我問言
 云何名為如法說耶彼即答言法無
 有我離我垢故法无有情離情塵故
 法無命者離生死故法無補特伽羅
 前後際斷故法常寂然滅諸相故法
 離貪著無所緣故法无文字言等斷
 故法無辟說遠離一切波浪思故法
 遍一切如虛空故法無有顯无相無
 形遠離一切行動事故法無我所離
 我所故法無了別離心識故法无有
 比無相待故法不屬因不在緣故法
 同法界等入一切真法界故法隨於
 如無所隨故法住實際畢竟不動故
 法无動搖不依六境故法無去來无
 所住故法順空隨無相應无願遠離
 一切增減思故法无取捨離生滅故

法無執藏超過一切眼耳鼻舌身意
說無垢稱經卷第二 第三 第四
 道故法無高下常住不動故法離一
 切分別所行一切戲論畢竟斷故唯
 大目連法相如是豈可說乎夫說法
 者一切皆是增益損減其聽法者亦
 復皆是增益損減若於是處元增無
 減即於是處都無可說亦無可聞无
 所了別尊者目連辭如幻士為幻化
 者宣說諸法住如是心乃可說法應
 善了知一切有情根性差別妙慧觀
 見無所罣碍大悲現前讚說大乘念
 報佛恩意樂清淨法詞善巧為三寶
 種永不斷絕乃應說法世尊彼大居士
 說此法時於彼眾中八百居士皆發
 無上正等覺心時我世尊默無能辯
 故我不任詣彼問疾
 尔時世尊告迦葉波汝應往詣無垢
 稱所問安其疾大迦葉波自言世尊
 我不堪任詣彼問疾所以者何憶念
 我昔於一時間入廣嚴城遊貪陋巷
 而巡乞食時無垢稱來到彼所稽首
 我足而作是言唯大迦葉雖有慈悲
 而不能普捨豪富從貪乞尊者迦葉

住平等法應次行乞食為不食故應
說無垢稱經卷第二 第四 第五
 行乞食為欲壞彼於食執故應行乞
 食為欲受他所施食故應行乞食以
 空聚想入於聚落為欲成熟男女大
 小入諸城邑趣佛家想詣乞食家為
 不受故應受彼食所見色與盲等所
 聞聲與聾等所執香與風等所食味
 不分別受諸觸如智證知諸法如幻
 相無自性无他性無熾然無寂滅尊
 者迦葉若能捨八邪入八解脫以一
 邪平等入正平等以一搏食施于一
 切供養諸佛及眾賢聖然後可食如
 是食者非有雜染非離雜染非入靜
 定非出靜定非住生死非住涅槃亦
 乃可食諸有施於尊者之食無小果
 無大果无損減無增益趣入佛趣不
 趣聲聞尊者迦葉若能如是而食於
 食為不空食他所施食時我世尊聞
 說是語得未曾有即於一切諸菩薩
 等深起歡心甚奇世尊斯有家士辯
 才智慧乃能如是誰有智者得聞斯
 說而不發於阿耨多羅三藐三菩提
 心我從是來不動有情求請聲聞獨

覺等乘唯教殺心趣求無上正等菩
說無垢稱經卷第二 第五 第六
 提故我不任詣彼問疾
 尔時世尊告大善現汝應往詣无垢
 稱所問安其疾時大善現自言世尊
 我不堪任詣彼問疾所以者何憶念
 我昔於一時間入廣嚴城而行乞食
 次入其舍時無垢稱為我作礼取我手
 鉢盛滿美食而謂我言尊者善現若
 能於食以平等性而入一切法平等
 性以一切法平等之性入于一切佛
 平等性其能如是乃可取食尊者善
 現若能不斷貪恚愚癡亦不與俱不
 壞薩迦耶見入一趣道不滅無明并
 諸有愛而起慧明及以解脫能以无
 間平等法性而入解脫平等法性無
 脫无縛不見四諦非不見諦非得果
 非異生非離異生法非聖非不聖雖
 成就一切法而離諸法想乃可取食
 若尊者善現不見佛不聞法不事僧
 彼外道六師滿迦葉波末薩羯離瞿
 舍離子想吠多子無勝鬘羯羣迦行
 那離繫親子是尊者師依之出家彼
 六師墮尊者亦墮乃可取食若尊者

善現墮諸見趣而不至中邊入八無
暇不得有暇同諸雜染離於清淨者
諸有情所得無諍尊者亦得而不名
為清淨福田諸有布施尊者之食墮
諸惡趣而以尊者為與眾魔共連一
手將諸煩惱作其伴侶一切煩惱自
性即是尊者自性於諸有情起怨害
想謗于諸佛毀一切法不預僧數畢
竟無有般涅槃時若如是者乃可取
食時我世尊得聞斯語猶拘重闇迷
失諸方不識是何言不知以何答便
捨自鉢欲出其舍時無垢稱即謂我
言尊者善現取鉢勿懼於意去何若
諸如來所作化者以是事詰寧有愧
不我言不也無垢稱言諸法性相皆
如幻化一切有情及諸言說性相亦
亦諸有智者於文字中不應執著亦
無怖畏所以者何一切言說皆離性
相何以故一切文字性相亦離都非
文字是則解脫解脫相者即一切法
世尊彼大居士說是法時二万天子
遠塵離垢於諸法中得法眼淨五百
天子得順法忍時我默然頌慶言辯

不能加對故我不任詣彼問疾
余時世尊告滿慈子汝應往詣無垢
稱所問安其疾時滿慈子自言世尊
我不堪任詣彼問疾所以者何憶念
我昔於一時間在大林中為諸新學
苾芻說法時無垢稱來到彼所稽首
我足而作是言唯滿慈子先當入定
觀苾芻心然後乃應為其說法無以
穢食置於寶器應先了知是諸苾芻
有何意樂勿以无價吠琉璃寶同諸
危脆賤水精珠尊者滿慈勿不觀察
諸有情類根性差別投以少分根所
受法彼自無瘡勿傷之也欲行大道
莫示小徑无以日光等彼燈火無以
大海內於牛跡無以妙高山王內於
芥子無以大師子乳同野干鳴尊者
滿慈是諸苾芻皆於往昔發趣大乘
心祈菩提中忘是意如何示以智聞
乘法我觀聲聞智慧微淺過於生盲
无有大乘觀諸有情根性妙智不能
分別一切有情根之利鈍時無垢稱
便以如是勝三摩地令諸苾芻隨憶
无量宿住差別曾於過去五百佛所

種諸善根積習无量殊勝功德迴向
無上正等覺心隨憶如是宿住事已
求菩提心還現在前即便稽首彼大
士足時無垢稱因為說法今於无上
正等菩提不復退轉時我世尊作如
是念諸聲聞人不知有情根性差別
不自如來不應轉念為他說法所以
者何諸聲聞人不知有情諸根勝劣
非常定在定如佛世尊故我不任詣彼
問疾
余時世尊告彼摩訶迦多行那汝應
往詣無垢稱所問安其疾迦多行那
自言世尊我不堪任詣彼問疾所以
者何憶念我昔於一時間佛為苾芻
略說法已便入靜住我即於後分別
決擇契經句義謂無常義苦義空義
无我義寂滅義時无垢稱來到彼所
稽首我足而作是言唯大尊者迦多
行那無以生滅分別心行說實相法
所以者何諸法畢竟非已生非今生
非常生非已滅非今滅非常滅義是
無常義洞達五蘊畢竟性空无所由
起是苦義諸法究竟无所有是空義

說無垢稱經卷第二 第九張 觀字號

知我無我无有二是無我義无有自性亦无他性本無熾然今无息滅無有寂靜畢竟寂靜究竟寂靜是寂滅義說是法時彼諸苾芻諸漏未盡心得解脫時我世尊默然無辯故我不任詣彼問疾

余時世尊告大無滅汝應往詣无垢稱所問安其疾時大無滅白言世尊我不堪任詣彼問疾所以者何憶念我昔於一時間在大林中一處經行時有梵王名曰嚴淨與万梵俱放火光明來詣我所稽首作礼而問我言尊者無滅所得天眼能見幾何時我答言大仙當知我能見此釋迦牟尼三千大千佛之世界如觀掌中阿摩洛果時無垢稱來到彼所稽首我足而作是言尊者無滅所得天眼為有行相為無行相若有行相即與外道五神通等若无行相即是無為不應有見云何尊者所得天眼能有見耶時我世尊默然無能對然彼諸梵聞其所說得未曾有即為作礼而問彼言世孰有得真天眼者無垢稱言有佛

說無垢稱經卷第二 第十張 觀字號

世尊得真天眼不捨寂定見諸佛國不作二相及種種相時彼梵王五百眷屬皆發無上正等覺心礼无垢稱欬然不現故我不任詣彼問疾

余時世尊告優波離汝應往詣无垢稱所問安其疾時優波離白言世尊我不堪任詣彼問疾所以者何憶念我昔於一時間有二苾芻犯所受戒深懷愧恥不敢詣佛來至我所稽首我足而謂我言唯優波離今我二人違越律行誠以為恥不敢詣佛願解憂悔得免斯咎我即為其如法解說令除憂悔得清所犯示現勸導讚勵慶慰時無垢稱來到彼所稽首我足而作是言唯優波離无重增此二苾芻罪當直除滅憂悔所犯勿擾其心所以者何彼罪性不住內不出外不在兩間如佛所說心雜染故有情雜染心清淨故有情清淨如是心者亦不住內亦不出外不在兩間如其心然罪垢亦然如罪垢然諸法亦然不出於如唯優波離汝心本淨得解脫時此本淨心曾有染不我言不也無

說無垢稱經卷第二 第十一張 觀字號

垢稱言一切有情心性本淨曾无有染亦復如是唯優波離若有分別有異分別即有煩惱若無分別无異分別即性清淨若有顛倒即有煩惱若无顛倒即性清淨若有取我即成雜染若不取我即性清淨唯優波離一切法性生滅不住如幻如化如電如雲一切法性不相顧待乃至一念亦不暫住一切法性皆虛妄見如夢如焰如健達婆城一切法性皆分別心所起影像如水中月如鏡中像如是知者名善持律如定知者名善調伏時二苾芻聞說是已得未曾有咸作是言奇哉居士乃有如是殊勝慧辯是優波離所不能及佛說持律取為其上而不能說我即告言汝勿於彼起居士想所以者何唯除如來未有聲聞及餘善薩而能制此大士慧辯其慧辯明珠勝如是時二苾芻憂悔即除皆發无上正等覺心便為作礼而發願言當今有情皆得如是殊勝慧辯時我默然不能加對故我不任詣彼問疾

亦時世尊告羅怛羅汝應往詣无垢稱所問安其疾時羅怛羅自言世尊我不堪任詣彼問疾所以者何憶念我昔於一時間有諸童子離咄咄種采詣我所稽首作禮而問我言唯羅怛羅汝佛之子捨輪王位出家為道其出家者為有何等功德勝利我即如法為說出家功德勝利時无垢稱來到彼所稽首我足而作是言唯羅怛羅不應如是宜說出家功德勝利所以者何無有功德无有勝利是為出家唯羅怛羅有為法中可得說有功德勝利夫出家者為無為法无為法中不可說有功德勝利唯羅怛羅夫出家者無彼无此亦無中間遠離諸見無色非色是涅槃路智者稱讚聖所攝受降伏眾魔超越五趣淨修五眼安立五根證獲五力不惱於彼離諸惡法摧眾外道超越假名出欲於泥無所繫著无所攝受離我我所无有諸取已斷諸取已有擾乱已斷擾乱善調自心善護他心隨順寂止勤修勝觀離一切惡修一切善若能

如是名真出家時無垢稱告諸童子汝等今者於善說法毗奈耶中宜共出家所以者何佛出世難離无暇難得人身難具足有暇第一難諸童子言唯大居士我聞佛說父母不聽不得出家無垢稱言汝等童子但發無上正等覺心勤修正行是即出家是即受具成苾芻性時三十二離咄童子皆發无上正等覺心善修正行時我默然不能加辯故我不任詣彼問疾

亦時世尊告阿難陀汝應往詣无垢稱所問安其疾時阿難陀自言世尊我不堪任詣彼問疾所以者何憶念我昔於一時間世尊身現少有所疾當用牛乳我於晨朝整理常服執持衣鉢詣廣嚴城婆羅門家對立門下從乞牛乳時無垢稱來到彼所稽首我足而作是言唯阿難陀何為晨朝持鉢在此我言居士為世尊身少有所疾當用牛乳故來至此時無垢稱而謂我言止止尊者莫作是語勿謗世尊無以虛事誹謗如來所以者何

如來身者金剛合成一切惡法并習永斷一切善法圓滿成就當有何疾當有何怖唯阿難陀默還所止莫使異人聞此慮言無令大威德諸天及餘佛土諸來菩薩得聞斯語唯阿難陀轉輪聖王成就少分所集善根尚得无病况如來無量善根福智圓滿而當有疾定元是處唯阿難陀可速默往勿使我等受斯鄙耻若諸外道婆羅門等聞此慮言當作是念何名為師自身有病尚不能救去何能救諸有疾乎可密速去勿使人聞又阿難陀如來身者即是法身非雜穢身是出世身世法不深是无漏身離一切漏是無為身離諸有為出過眾數諸數永寂如此佛身當有何疾時我世尊聞是語已實懷慙愧得無近佛而謬聽耶即聞空中聲曰阿難如居士言世尊真身實无有病但以如來出五濁世為欲化導貧窮苦惱惡行有情示現斯事行矣阿難取乳勿慙時我世尊聞彼大士辯說如是不知所云默無酬對故我不任詣彼問疾

說無垢稱經卷第二 第十五頌 樹字

如是世尊一一別告五百聲聞諸大弟子汝應往詣無垢稱所問安其疾是諸聲聞各各向佛說其本緣讚述大士無垢稱言皆曰不任詣彼問疾說無垢稱經菩薩品第四

今時世尊告慈氏菩薩摩訶薩言汝應往詣無垢稱所問安其疾慈氏菩薩自言世尊我不堪任詣彼問疾所以者何憶念我昔於一時間為觀史多天王及其眷屬說諸菩薩摩訶薩等不退轉地所有法要時無垢稱來到彼所稽首我足而作是言尊者慈氏唯佛世尊授仁者記一生所繫當得無上正等菩提為用何生得授記乎過去耶未來耶現在耶若過去生過去生已滅若未來生未來生未至若現在生現在生無住如世尊說汝等必勸剎那剎那具生老死即沒即生若以無生得授記者无生即是所入正性於此无生所入性中無有授記亦無證得正等菩提去何慈氏得授記耶為依如生得授記耶為依如滅得授記耶若依如生得授記者如

說無垢稱經卷第二 第十六頌 樹字

无有生若依如滅得授記者如無有滅無生无滅真如理中無有授記一切有情皆如也一切法亦如也一切聖賢亦如也至於慈氏亦如也若尊者慈氏得授記者一切有情亦應如是而得授記所以者何夫真如者非二所顯亦非種種異性所顯若尊者慈氏當證无上正等菩提一切有情亦應如是當有所證所以者何夫菩提者一切有情等所隨覺若尊者慈氏當般涅槃一切有情亦應如是當有涅槃所以者何非一切有情不般涅槃佛說真如為般涅槃以佛觀見一切有情本性寂滅即涅槃相故說真如為般涅槃是故慈氏勿以此法誘諸天子勿以此法滯諸天子夫菩提者無有趣求亦无退轉尊者慈氏當令此諸天子捨於分別菩提之見所以者何夫菩提者非身能證非心能證寂滅是菩提一切有情一切法相皆寂滅故不增是菩提一切所緣不增益故不行是菩提一切戲論一切作意皆不行故永斷是菩提一切

說無垢稱經卷第二 第十七頌 樹字

見趣皆永斷故捨離是菩提一切取著皆捨離故離繫是菩提永離一切動亂法故寂靜是菩提一切分別永寂靜故廣大是菩提一切和願不測量故不證是菩提一切執著一切諍論皆遠離故安住是菩提住法界故隨至是菩提隨真如故不二菩提是菩提法性皆遠離故建立是菩提實際所立故平等是菩提一切眼色乃至意法皆悉平等如虛空故无為是菩提生住異滅畢竟離故遍知是菩提一切有情所有心行皆遍知故无問是菩提內六處等所不雜故無雜是菩提一切煩惱相續習氣永遠離故無處是菩提於真如中一切方處所遠離故无住是菩提於一切處不可見故唯名是菩提此菩提名无作用故無浪是菩提一切取捨永遠離故无亂是菩提常自靜故善寂是菩提本性淨故明顯是菩提自性無離故無取是菩提離攀緣故无異是菩提隨覺諸法平等性故无喻是菩提一切比况永遠離故微妙是菩提極

難覺故遍行是菩提自性周遍如虛空故至頂是菩提至一切法寂上首故無染是菩提一切世法不能染故如是菩提非身能證非心能證世尊被大居士說此法時於天眾中二百天子得無生法忍時我默然不能加辯故我不任詣彼問疾

今時世尊告光嚴童子汝應性諸无垢稱所問安其疾光嚴童子自言世尊我不堪任詣彼問疾所以者何憶念我昔於一時間出廣嚴城時無垢稱方入彼城我為作禮問言居士從何所來彼答我言從妙菩提來我問居士妙菩提者為何所是即答我言淳直意樂是妙菩提由此意樂不虛假故發起加行是妙菩提諸所施為能成辨故增上意樂是妙菩提究竟證會殊勝法故大菩提心是妙菩提於一切法無忘失故清淨布施是妙菩提不怖世間異熟果故固守淨戒是妙菩提諸所願求皆圓滿故忍辱柔和是妙菩提於諸有情心无恚故勇猛精進是妙菩提熾然勤修無懈

說無垢稱經卷第二

退故寂止靜慮是妙菩提其心調順有堪能故殊勝般若妙菩提現見一切法性相故慈是妙菩提於諸有情心平等故悲是妙菩提於諸疲苦能忍受故喜是妙菩提恒常領受法苑樂故捨是妙菩提永斷一切愛恚等故神通是妙菩提具六神通故解脫是妙菩提離分別動故方便是妙菩提成熟有情故攝事是妙菩提攝諸有情故多聞是妙菩提起真實行故調伏是妙菩提如理觀察故三十七種菩提分法是妙菩提棄捨一切有為法故一切諦實是妙菩提於諸有情不虛誑故十二緣起是妙菩提無明不盡乃至老死憂苦熱惱皆不盡故息諸煩惱是妙菩提如實現證真法性故一切有情是妙菩提皆用無我為自性故一切諸法是妙菩提隨覺一切皆性空故降伏魔怨是妙菩提一切魔怨不傾動故不離三界是妙菩提遠離一切發趣事故大師子吼是妙菩提能善决擇無所畏故諸力無畏不共佛法是妙菩提普於

說無垢稱經卷第二

一切無訶駁故三明鑒照是妙菩提離諸煩惱獲得究竟无餘智故一剎那心覺一切法究竟無餘是妙菩提一切智智圓滿證故如是善男子若諸菩薩真實發趣具足相應波羅蜜多具足相應成熟有情具足相應一切善根具足相應攝受正法具足相應供養如來具足相應諸有所作性來進止舉足下足一切皆從妙菩提來一切皆從諸佛法來安住一切諸佛妙法世尊彼大居士說是法時五百天子皆發无上正等覺心時我默然不能加辯故我不任詣彼問疾今時世尊告持世菩薩汝應往詣無垢稱所問安其疾持世菩薩自言世尊我不堪任詣彼問疾所以者何憶念我昔於一時間在自住處時惡魔怨從万二千諸天女等狀如帝釋鼓樂絃歌來到我所與其眷屬稽首我足作諸天樂供養於我合掌恭敬在一面立我時意謂真是帝釋而語之言善來憍尸迦雖福應有不當自恣當勤觀察諸欲戲樂皆悉無常於身

法苑珠林卷第三十一 第十卷 第十卷

命財當勤修習證堅實法即語我言
 唯大正士可受此女以備供侍我即
 答言止憍尸迦無以如是非法之物
 而要施我沙門釋子此非我宜所言
 未訖時無垢稱來到彼所稽首我足
 而謂我言非帝釋也是惡魔怨燒汝
 故耳時無垢稱語惡魔言汝今可以
 此語天女迴施於我是我在家白衣
 所宜非諸沙門釋子應受時惡魔怨
 即便驚怖念无垢稱將無惱我欲隱
 形去為無垢稱神力所持而不能隱
 盡其神力種種方便亦不能去即聞
 空中聲曰汝惡魔怨應以天女施此
 居士乃可得還自所天宮是惡魔怨
 以怖畏故俛仰而與時無垢稱語諸
 女言是惡魔怨以汝施我今諸姊等
 當發無上正等覺心即隨所應為說
 種種隨順成熟妙菩提法令其趣向
 正等菩提復言姊等已發无上正等
 覺心有大法苑樂可以自娛不應復
 樂五欲樂也諸天女言唯大居士云
 何名為大法苑樂無垢稱言法苑樂
 者謂於諸佛不壞淨樂於正法中常

法苑珠林卷第三十一 第十卷 第十卷

聽聞樂於和合眾勤敬事樂於其三
 界永出離樂於諸所緣无依住樂於
 諸蘊中觀察無常如怨害樂於諸界
 中无到觀察如毒蛇樂於諸處中無
 倒觀察如空聚樂於菩提心堅守護
 樂於諸有情饒益事樂於諸師長勤
 供侍樂於惠施中離慳貪樂於淨戒
 中無慢緩樂於忍辱中堪調順樂於
 精進中習善根樂於靜慮中知無乱
 樂於般若中離惑明樂於菩提中廣
 大妙樂於眾魔怨能摧伏樂於諸煩
 惱能遍知樂於諸佛土遍修治樂於
 相隨好莊嚴身中極圓滿樂於其福
 智二種資糧正修習樂於妙菩提具
 莊嚴樂於甚深法無驚怖樂於三脫
 門正觀察樂於般涅槃正攀緣樂不
 於非時而觀察樂於同類生見其功
 德常親近樂於異類生不見過失無
 憎恚樂於諸善友樂親近樂於諸惡
 友樂將護樂於巧方便善攝受樂於
 諸法中歡喜信樂於不放逸修習一
 切菩提分法取上妙樂如是諸姊是
 為菩薩大法苑樂此法苑樂諸大菩

法苑珠林卷第三十一 第十卷 第十卷

薩常住其中汝等當樂勿樂欲樂時
 惡魔怨告天女曰汝等可來今欲與
 汝俱還天宮諸女答言惡魔汝去我
 等不復與汝俱還所以者何汝以我
 等施此居士云何更得與汝等還我
 等今者樂法苑樂不樂欲樂汝可獨
 還時惡魔怨白無垢稱唯大居士可
 捨此女一切所有心不耽著而惠施
 者是為菩薩摩訶薩也无垢稱言吾
 以捨矣汝可將去當令汝等一切有
 情法願滿足時諸天女礼无垢稱而
 問之言唯大居士我等諸女還至魔
 宮云何修行无垢稱言諸姊當知有
 妙法門名無盡燈汝等當學天女復
 問云何名為无盡燈耶答言諸姊譬
 如一燈然百千燈暝者皆明明終不
 盡亦無退減如是諸姊夫一菩薩勸
 發建立百千俱胝那庾多眾趣求无
 上正等菩提而此菩薩菩提之心終
 元有盡亦無退減轉更增益如是為
 他方便善巧宜說正法於諸善法轉
 更增長終無有盡亦无退減諸姊當
 知此妙法門名無盡燈汝等當學雖

住魔宮當勸無量天子天女發菩提心汝等即名知如來恩真實酬報亦是饒益一切有情是諸天女恭敬頂禮無垢稱足時无垢稱捨先制持惡魔神力令惡魔怨與諸眷屬忽然不現還於本宮世尊是無垢稱有如是等自在神力智慧辯才變現說法故我不任詣彼問疾

尔時世尊告長者子蘇達多言汝應往詣無垢稱所問安其疾時蘇達多白言世尊我不堪任詣彼問疾所以者何憶念我昔自於父舍七日七夜作大祠會供養一切沙門婆羅門及諸外道貧窮下賤孤獨乞人而此大祠期滿七日時無垢稱來入會中而謂我言唯長者子夫祠會者不應如汝今此所設汝今應設法施祠會何用如是財施祠為我言居士何等名為法施祠會彼答我言法施祠者無前无後一時供養一切有情是名圓滿法施祠會其事云何謂以無上菩提行相引發大慈以諸有情解脫行相引發大悲以諸有情隨喜行相引

發大喜以攝正法攝智行相引發大捨以善寂靜調伏行相引發布施波羅蜜多以化犯禁有情行相引發淨戒波羅蜜多以一切法無我行相引發堪忍波羅蜜多以善遠離身心行相引發精進波羅蜜多以其取勝覺支行相引發靜慮波羅蜜多以圓一切智智行相引發般若波羅蜜多以化一切眾生行相引發修空以治一切有為行相引修无相以故作意受生行相引修無願以善攝受正法行相引發大力以善修習攝事行相引發命根以如一切有情僕隸勤事行相引發無慢以不堅實貿易一切堅實行相引發證得堅身命財以其六種隨念行相引發正念以修淨妙諸法行相引發意樂以勤修習正行行相引發淨命以淨歡喜親近行相引發親近承事聖賢以不增恚非聖行相引調伏心以善清淨出家行相引發清淨增上意樂以常修習中道行相引發方便善巧多聞以無諍法通達行相引發常居阿練若處以正趣

求佛智行相引發宴坐以正息除一切有情煩惱行相引發善修瑜伽師地以具相好成熟有情莊嚴清淨佛土行相引發廣大妙福資糧以知一切有情心行隨其所應說法行相引發廣大妙智資糧以於諸法無取无捨一正理門悟入行相引發廣大妙慧資糧以斷一切煩惱習氣諸不善法障導行相引發證得一切善法以隨覺悟一切智智一切善法資糧行相引發證得一切所修善提分法汝善男子如是名為法施祠會若諸菩薩安住如是法施祠會名大施主普為世間天人供養世尊彼大居士說此法時梵志眾中二百梵志皆發无上正等覺心我於尔時歎未曾有得淨歡喜恭敬頂禮彼大士足解寶瓔珞價直百千懸勳奉施彼不肯取我言大士哀愍我故願必納受若自不須心所信處隨意施與時無垢稱乃受瓔珞分作二分一分施此大祠會中眾可厭毀貧賤乞人一分奉彼難勝如來以神通力令諸大眾皆見他

方陽焰世界難勝如來又見所施一分珠璣在彼佛上成妙寶臺四方四臺等分間飾種種莊嚴甚可愛樂現如是等神變事已復作是言若有施主以平等心施此會中寂下乞人猶如如來福田之想無所分別其心平等大慈大悲普施一切不求果報是名圓滿法施祠祀時此乞人見彼神變聞其所說得不退轉增上意樂便發無上正等覺心世尊彼大居士具如是等自在神變無尋辯才故我不任詣彼問疾

如是世尊一一別告諸大菩薩令往居士無垢稱所問安其疾是諸菩薩各各向佛說其本緣讚述大士無垢稱言皆曰不任詣彼問疾

說無垢稱經卷第二

說無垢稱經卷第二

校勘記

- 一 底本，金藏廣勝寺本。九一六頁上、中，九一八頁中，九二〇頁上，以上共四版原缺，以麗藏本補。九一五頁下，九一六頁下，九一七頁上、中、下，九一八頁下，以上共六版，原版有殘缺，殘缺之處均以麗藏本補足。
- 一 九一五頁中二行「法師」，石作「沙門」。
- 一 九一五頁中二行末字「譯」，石、資、磧、晉、南、徑、清作「奉詔譯」，以下各卷同。
- 一 九一五頁中四行第一〇字「嬰」，資、磧、晉、南、徑、清作「嬰纏」。
- 一 九一五頁下四行末字「首」麗作「道」。
- 一 九一五頁下一三行第三字「著」，磧、晉作「者」。
- 一 九一六頁上二一行第二字「巡」，資、磧、晉、南、徑、清作「循」。
- 一 九一六頁上末行第五字「捨」，資、磧、晉、南、徑、清作「捨於」。
- 一 九一六頁上末行第八字「從」，資、磧、晉、南、徑、清作「從于」。
- 一 九一六頁中九行第二、五、八、一、一字「無」，石、資、磧、晉、南、徑、清作「無有」。
- 一 九一六頁中末行第一一字「請」，資、磧、晉、南、徑、清作「諸」。
- 一 九一六頁下二一行第一一字「獨」，資、磧、晉、南、徑、清作「獨」。
- 一 九一七頁上一一行第五字「識」，石作「失」。
- 一 九一七頁中七行第四字「作」，磧、南作「如」。
- 一 九一七頁中一七行第二字「慈」，石、麗作「慈子」。
- 一 九一八頁下一〇行「婆城」，石作「縛成」。
- 一 九一九頁上六行第七字「捨」，石、資、磧、晉、南、徑、清作「捨轉」。

一九一九頁上一〇行第七字「宜」，諸本作「宣」。

一九一九頁上二一行第九字「已」，諸本無。

一九一九頁中末行第八字「謗」，**石**、**資**、**磧**、**普**、**南**、**徑**、**清**作「毀」。

一九一九頁下七行第三字「病」，**資**、**磧**、**普**、**南**、**徑**、**清**作「疾」，下同。

一九一九頁下一一行第七字「病」，**石**、**資**、**磧**、**普**、**南**、**徑**、**清**作「疾」。

一九一九頁下一八行第一一字「日」，諸本作「日汝」。

一九一九頁下一八行「阿難」，諸本作「阿難陀」，下同。

一九一九頁下一九行「有病」，**石**、**資**、**磧**、**普**、**南**、**徑**、**清**作「諸疾」。

一九一九頁下二二行第一三字「是」，**資**、**磧**、**普**、**南**、**徑**、**清**作「來」。

一九二〇頁上五行「說無垢稱經」，**資**、**磧**、**普**、**南**、**徑**、**清**無。

一九二〇頁上一四行第一三字「授」，**資**、**磧**、**普**、**南**、**徑**、**清**作「受」。下至

末行第三字同。

一九二〇頁下五行第四字「證」，**麗**作「諍」。

一九二〇頁下一三行首字「問」，**資**作「門」；**磧**、**普**、**南**、**徑**、**清**、**麗**作「問」。

一九二〇頁下二〇行末字「離」，諸本作「雜」。

一九二二頁下一二行第三字「子」，**石**、**資**、**磧**、**普**、**南**、**徑**、**清**作「人」。

一九二二頁下一八行第五字「到」，**石**、**資**、**磧**、**普**、**南**、**徑**、**清**作「至」。

一九二二頁上八行第二字「語」，諸本作「諸」。

一九二二頁上一二行第三字「神」，**清**作「所」。

一九二二頁上二〇行第二字「心」與第三字「有」之間，**石**有「即隨所應

為說種種隨順成熟妙菩提法令其趣向正等菩提復言姊等已發無上

正等央心」三十六字。

一九二二頁中一五行第五字「甚」，

磧、**普**、**南**作「其」。

一九二二頁下二行第一二字「今」，**石**作「令」。

一九二二頁下一六行第八字「暝」，**資**、**磧**、**普**、**南**、**徑**、**清**作「冥」。

一九二三頁上一三行第三字「祠」，**磧**作「祿」。

一九二三頁中一〇行第七字及一一行第五字「修」，**資**、**磧**、**普**、**南**、**徑**、**清**作「發」。

一九二三頁中一九行第一〇字「增」，**資**、**磧**、**普**、**南**、**徑**、**清**、**麗**作「憎」。

一九二三頁中末行第六字「常」，**磧**、**普**、**南**、**徑**、**清**作「當」。

一九二三頁下一一行第五字「得」，**麗**作「行」。

一九二四頁上八行第八字「時」，**石**作「此時」。



補城縣廣勝寺

論無垢經卷第三

大唐三藏法師玄奘譯

問疾品第五

亦時佛告妙吉祥言汝今應詣無垢稱所慰問其疾時妙吉祥自言世尊彼大士者難為酬對深入法門善能辯說住妙辯才覺慧無等一切菩薩所為事業皆已成辦諸大菩薩及諸如來秘密之處悉能隨入善攝衆魔巧便無尋已到寂勝無二無雜法界所行究竟彼岸能於一相莊嚴法界說無邊相莊嚴法門了達一切有情根行善能遊戲寂勝神通到大智慧巧方便趣已得一切問答決擇無畏自在非諸下劣言辯詞鋒所能挽對雖然我當承佛威神詣彼問疾若當至彼隨已力能與其談論於是衆中有諸菩薩及大弟子釋梵護世諸天子等咸作是念今二菩薩皆具其深廣大勝解若相挽論決定宣說微妙法教我等今者為聞法故亦應相率隨從詣彼是時衆中八千菩薩五百

聲聞無量百千釋梵護世諸天子等為聞法故皆請隨往時妙吉祥與諸菩薩大弟子衆釋梵護世及諸天子咸起恭敬頂禮世尊前後圍繞出菴羅林詣廣嚴城至無垢稱菩薩所問疾時無垢稱心作是念今妙吉祥與諸大衆俱來問疾我今應以已之神力空其室內除去一切牀座資具及諸侍者衛門人等唯置一牀現疾而卧時無垢稱作是念已應時即以大神通力令其室空除諸所有唯置一牀現疾而卧

時妙吉祥與諸大衆俱入其舍但見室空無諸資具門人侍者唯無垢稱獨寢一牀時無垢稱見妙吉祥唱言善來不來而來不見而見不聞而聞妙吉祥言如是居士若已來者不可復來若已去者不可復去所以者何非已來者可施設來非已去者可施設去其已見者不可復見其已聞者不可復聞且置是事居士所苦寧可忍不命可濟不界可調不病可療不可令是疾不至增乎世尊慇懃致問

無量居士此病少得痊不動止氣力
稍得安不今此病源從何而起其生
又如當去何滅無垢稱言如諸有情
無明有愛生來既久我今此病生亦
復亦速從前際生死以來有情既病
我即隨病有情若愈我亦隨愈所以
者何一切菩薩依諸有情久流生死
由依生死便即有病若諸有情得離
疾苦則諸菩薩無復有病辭如世間
長者居士唯有一子心極憐愛見常
歡喜無時暫捨其子若病父母亦病
若子病愈父母亦愈菩薩如是慈諸
有情猶如一子有情若病菩薩亦病
有情病愈菩薩亦愈又言是病何所
因起菩薩疾者從大悲起妙吉祥言
居士此室何以都空復無侍者无垢
稱言一切佛土亦復皆空問何以空
答以空空又問此空為是誰空答曰
此空無分別空又問空性可分別耶
答曰此能分別亦空所以者何空性
不可分別為空又問此空當於何求
答曰此空當於六十二見中求又問
六十二見當於何求答曰當於諸佛

解脫中求又問諸佛解脫當於何求
答曰當於一切有情心中求又仁
所問何無侍者一切魔怨及諸外道
皆吾侍也所以者何一切魔怨欣讚
生死一切外道欣讚諸見菩薩於中
皆不厭棄是故魔怨及諸外道皆吾
侍者妙吉祥言居士此病為何等相
答曰我病都無色相亦不可見又問
此病為身相應為心相應答曰我病
非身相應身相離故亦身相應如影
像故非心相應心相離故亦心相應
如幻化故
又問地界水火風界於此四界何界
之病答曰諸有情身皆四大起以彼
有病是故我病然此之病非即四界
界性離故
無垢稱言菩薩應云何慰喻有疾菩
薩令其歡喜妙吉祥言示身无常而
不勸厭離於身示身有苦而不勸樂
於涅槃示身無我而不勸成熟有情示
身空寂而不勸修畢竟寂滅示憍先
罪而不說罪有移轉勸以已疾慈諸
有情今除彼疾勸念前際所受眾苦

饒益有情勸憶所修無量善本令修
淨命勸勿驚怖精勤堅勇勸發弘願
作大醫王豫諸有情身心眾病令永
寂滅菩薩應如是慈喻有病菩薩令
其歡喜
妙吉祥言有疾菩薩云何調伏其心
無垢稱言有疾菩薩應作是念今我
此病皆從前際虛妄顛倒分別煩惱
所起業生身中都無一法真實是誰
可得而受此病所以者何四大和合
假名為身大中無主身亦无我此病
若起要由執我是中不應妄生我執
當了此執是病根本由此因緣應除
一切有情我想安住法想應作是念
眾法和合共成此身生滅流轉生唯
法生滅唯法滅如是諸法展轉相續
于不相知竟無思念生時不言我生
滅時不言我滅有疾菩薩應正了知
如是法我想我此法想即是顛倒夫法
想者即是大患我應除滅亦當除滅
一切有情如是大患云何能除如是
大患謂當除滅我所執云何能除
我我所執謂離二法云何離二法謂

內法外法畢竟不行去何二法畢竟不行謂勸平等無動无搖無所觀察云何平等謂我涅槃二俱平等所以者何二性空故此二既無誰復為空但以名字假說為空此二不實平等見已無有餘病雖有空病應觀如是空病亦空所以者何如是空病畢竟空故有疾菩薩應无所受而受諸受若於佛法未得圓滿不應滅受而有所證應離能受所受諸法若苦觸身應應險趣一切有情發趣大悲除彼眾苦有疾菩薩應作是念既除已疾亦當除去有情諸疾如是除去自他疾時無有少法而可除者應正觀察疾起因緣速令除滅為說正法何等名為疾之因緣謂有緣慮諸有緣慮皆是疾因有緣慮者皆有疾故何所緣慮謂緣三界云何應知如是緣慮謂正了達此有緣慮都無所得若无所得則無緣慮云何絕緣慮謂不緣二見何等二見謂內見外見若無二見則無所得既无所得緣慮都絕緣慮絕故則無有疾若自无疾則能斷

滅有情之疾

又妙吉祥有疾菩薩應如是調伏其心唯菩薩善提能斷一切老病死若不如是已所勤修即為虛棄所以者何譬如有人能勝怨敵乃名勇健若能如是永斷一切老病死苦乃名菩薩

又妙吉祥有疾菩薩應自觀察如我此病非真非有一切有情所有諸病亦非真非有如是觀時不應以此愛見纏心於諸有情發起大悲唯應為斷客塵煩惱於諸有情發起大悲以者何菩薩若以愛見纏心於諸有情發起大悲即於生死而有疲厭若為斷除客塵煩惱於諸有情發起大悲即於生死無有疲厭菩薩如是為諸有情處在生死能無疲厭不為愛見纏繞其心以無愛見纏繞心故即於生死无有繫縛以於生死無繫縛故即得解脫以於生死得解脫故即便有力宜說妙法令諸有情遠離繫縛證得解脫世尊依此密意說言若自有縛能解他縛无有是處若自解

脫能解他縛斯有是處是故菩薩應求解脫離諸繫縛

又妙吉祥何等名為菩薩繫縛何等名為菩薩解脫若諸菩薩味著所修靜慮解脫等持等至是則名為菩薩繫縛若諸菩薩以巧方便攝諸有生無所貪著是則名為菩薩解脫若無方便善攝妙慧是名繫縛若有方便善攝妙慧是名解脫云何菩薩无有方便善攝妙慧名為繫縛謂諸菩薩以空無相无願之法而自調伏不以相好瑩飾其身莊嚴佛土成熟有情此謂菩薩無有方便善攝妙慧名為繫縛云何菩薩有巧方便善攝妙慧名為解脫謂諸菩薩以空無相无願之法調伏其心觀察諸法有相無相修習作證復以相好瑩飾其身莊嚴佛土成熟有情此諸菩薩有巧方便善攝妙慧名為解脫云何菩薩無有方便善攝妙慧名為繫縛謂諸菩薩安住諸見一切煩惱纏縛隨眠修諸善本而不迴向正等菩提深生執著此諸菩薩無巧方便善攝妙慧名為

繫縛去何菩薩有巧方便善攝妙慧名為解脫謂諸菩薩遠離諸見一切煩惱纏縛隨眠修善諸本而能迴向正等菩提不生執著此諸菩薩有巧方便善攝妙慧名為解脫

又妙吉祥有疾菩薩應觀諸法身之與疾皆無常苦空无我是名為慧雖身有疾常在生死饒益有情曾無厭倦是名方便又觀身心及與諸疾展轉相依無始流轉生滅无間非新非故是名為慧不求身心及與諸疾畢竟寂滅是名方便

又妙吉祥有疾菩薩應如是調伏其心不應安住調伏不調伏心所以者何若住不調伏心是凡愚法若住調伏心是聲聞法是故菩薩於此二邊俱不安住是則名為菩薩所行若於是處非凡所行非聖所行是則名為菩薩所行若處觀察生死所行而無一切煩惱所行是則名為菩薩所行若處觀察涅槃所行而不畢竟寂滅所行是則名為菩薩所行若處示現四魔所行而越一切魔事所行是則

名為菩薩所行若求一切智智所行而不非時證智所行是則名為菩薩所行若求四諦妙智所行而不非時證智所行是則名為菩薩所行若正觀察內證所行而故攝受生死所行是則名為菩薩所行若行一切緣起所行而能遠離見趣所行是則名為菩薩所行若行一切有情諸法相離所行而無煩惱隨眠所行是則名為菩薩所行若正觀察无生所行而不墮聲聞正性所行是則名為菩薩所行若攝一切有情所行而無煩惱隨眠所行是則名為菩薩所行若正欣樂遠離所行而不求身心盡滅所行是則名為菩薩所行若樂觀察三界所行而不壞乱法界所行是則名為菩薩所行若樂觀察空性所行而求一切功德所行是則名為菩薩所行若樂觀察無相所行而求度脫有情所行是則名為菩薩所行若樂觀察無願所行而能示現有趣所行是則名為菩薩所行若樂遊履无作所行而常起作一切善根無替所行是則

名為菩薩所行若樂遊履六度所行而不趣向一切有情心行妙智彼岸所行是則名為菩薩所行若樂觀察慈悲喜捨無量所行而不求生梵世所行是則名為菩薩所行若樂遊履六通所行而不趣證漏盡所行是則名為菩薩所行若樂建立諸法所行而不攀緣邪道所行是則名為菩薩所行若樂觀察六念所行而不隨生諸漏所行是則名為菩薩所行若樂觀察非障所行而不希求雜染所行是則名為菩薩所行若樂觀察靜慮解脫等持等至諸定所行而能不隨諸定勢力受生所行是則名為菩薩所行若樂遊履念住所行而不樂求身受心法遠離所行是則名為菩薩所行若樂遊履正斷所行而不見善及與不善二種所行是則名為菩薩所行若樂遊履神足所行而無功用變現自在神足所行是則名為菩薩所行若樂遊履五根所行而不分別一切有情諸根勝劣妙智所行是則名為菩薩所行若樂安立五力所行

天竺雜錄卷第三 第七十五 樹空

而求如來十力所行是則名為菩薩
 所行若樂安立七等覺支圓滿所行
 不求佛法差別妙智善巧所行是則
 名為菩薩所行若樂安立八聖道支
 圓滿所行而不厭背邪道所行是則
 名為菩薩所行若求止觀資糧所行
 不墮畢竟寂滅所行是則名為菩薩
 所行若樂觀察無生滅相諸法所行
 而以相好莊嚴其身成滿種種佛事
 所行是則名為菩薩所行若業示現
 聲聞獨覺威儀所行而不棄捨一切
 佛法緣慮所行是則名為菩薩所行
 若隨諸法究竟清淨本性常寂妙定
 所行非不隨順一切有情種種所樂
 威儀所行是則名為菩薩所行若樂
 觀察一切佛土其性空寂無成无壞
 如空所行非不示現種種功德莊嚴
 佛土饒益一切有情所行是則名為
 菩薩所行若樂示現一切佛法轉於
 法輪入大涅槃佛事所行非不修行
 諸菩薩行差別所行是則名為菩薩
 所行說是一切菩薩所行希有事時
 是妙吉祥所將衆中八億天子聞所

天竺雜錄卷第三 第七十五

說法皆於無上正等菩提發心趣向
 不思議品第六

時舍利子見此室中無有牀座竊作
 是念此諸菩薩及大聲聞當於何坐
 時無垢稱知舍利子心之所念便即
 語言唯舍利子為法未取求牀坐耶
 舍利子言我為法未非為牀座無垢
 稱言唯舍利子諸求法者不願身命
 何況牀座又舍利子諸求法者不求
 色蘊乃至識蘊諸求法者不求眼界
 乃至意識界諸求法者不求眼處乃
 至法處諸求法者不求欲界色無色
 界又舍利子諸求法者不求佛執及
 法僧執諸求法者不求苦斷集證
 滅及與修道所以者何法无戲論若
 謂我當知苦斷集證滅修道即是戲
 論非謂求法又舍利子諸求法者不
 求於生不求於滅所以者何法名寂
 靜及近寂靜若行生滅是求生滅非
 謂求法非求遠離諸求法者不求會
 染所以者何法無貪染離諸貪染若
 於諸法乃至涅槃少有貪染是求貪
 染非謂求法又舍利子諸求法者不

天竺雜錄卷第三 第七十五

求境界所以者何法非境界若慧一
 切境界所行是求境界非謂求法又
 舍利子諸求法者不求取捨所以者
 何法無取捨若取捨法是求取捨非
 謂求法又舍利子諸求法者不求攝
 藏所以者何法无攝藏若樂攝藏是
 求攝藏非謂求法又舍利子諸求法
 者不求法相所以者何法名無相若
 隨相識即是求相非謂求法又舍利
 子諸求法者不共法住所以者何法
 無所住若與法住即是求住非謂求
 法又舍利子諸求法者不求見聞及
 與覺知所以者何法不可見聞覺知
 若行見聞覺知是求見聞覺知非謂
 求法又舍利子諸求法者不求有為
 所以者何法名無為離有為性若行
 有為是求有為非謂求法是故舍利
 子若欲求法於一切法應無所求說
 是法時五百天子遠塵離垢於諸法
 中得法眼淨

時無垢稱問妙吉祥仁者曾遊十方
 世界無量無數百千俱胝諸佛國土
 何等佛土有好上妙具足功德大師

子座妙吉祥言東方去此過三十六
苑伽沙等諸佛國土有佛世界名曰
山幢彼土如來号山燈王今正現在
安隱住持其佛身長八十四億踰膳
那量其師子座高六十八億踰膳那
量彼菩薩身長四十二億踰膳那量
其師子座高三十四億踰膳那量居
六當知彼土如來師子之座最為殊
妙具諸功德

時無垢稱攝念入定發起如是自在
神通即時東方山幢世界山燈王佛
遣三十二億大師子座高廣嚴淨甚
可愛樂乘空來入無垢稱室此諸菩
薩及大聲聞釋梵護世諸天子等普
所未見先亦未聞其室欻然廣博嚴
淨恚能苞容三十二億師子之座不
相妨身廣嚴大城及膳部洲四大洲
等諸世界中城邑聚落國土王都天
龍藥叉阿素洛等所住宮殿亦不迫
迫恚見如本前後無異
時無垢稱語妙吉祥就師子座與諸
菩薩及大聲聞如所敷設俱可就座
當自變身稱師子座其得神通諸大

菩薩各自變身為四十二億踰膳那
量昇師子座端嚴而坐其新學菩薩
皆不能昇師子之座時無垢稱為說
法要令彼一切得五神通即以神力
各自變身為四十二億踰膳那量昇
師子座端嚴而坐其中復有諸菩薩
聞皆不能昇師子之座時無垢稱語
舍利子仁者云何不昇此座舍利子
言此座高廣吾不能昇無垢稱言唯
舍利子宜應禮敬山燈王佛請加神
力方可得坐時大聲聞咸即禮敬山
燈王佛請加神力便能昇師子之
座端嚴而坐舍利子言甚奇居士如
此小室乃能容受尔所百千萬廣嚴
淨師子之座不相妨身廣嚴大城及
膳部洲四大洲等諸世界中城邑聚
落國土王都天龍藥叉阿素洛等所
有宮殿亦不迫迫恚見如本前後無異
無垢稱言唯舍利子諸佛如來應正
等覺及不退菩薩有解脫名不可思
議若住如是不可思議解脫菩薩妙
高山王高廣如是能以神力內芥子
中而令芥子形量不增妙高山王形

量不減雖現如是神通作用而不令
彼四大天王三十三天知見我等何
往何入唯令所餘觀神通力調伏之
者知見妙高入乎芥子如是安住不
可思議解脫菩薩方便善巧智力所
入不可思議解脫境界非諸聲聞獨
覺所測又舍利子若住如是不可思
議解脫菩薩四大海水深廣如是能
以神力內一毛孔而令毛孔形量不
增四大海水形量不減雖現如是神
通作用而不令彼諸龍藥叉阿素洛
等知見我等何往何入亦不令彼魚
鼈龜龍及餘種種水族生類諸龍神
一切有情憂怖惱害唯令所餘觀神
通力調伏之者知見如是四大海水
入於毛孔如是安住不可思議解脫
菩薩方便善巧智力所入不可思議
解脫境界非諸聲聞獨覺所測又舍
利子若住如是不可思議解脫菩薩
如是三千大千世界形量廣大能以
神力方便斷取置右掌中如陶家輪
速疾旋轉擲置他方苑伽沙等世界
之外又復持來還置本處而令世界

无垢稱經卷第三 第十八張 指字

無所增減雖現如是神通作用而不令彼居住有情知見我等何去何還都不令其生往來想亦无憫害唯令所餘觀神通力調伏之者知見世界有去有來如是安住不可思議解脫菩薩方便善巧智力所入不可思議解脫境界非諸聲聞獨覺所測又舍利子若住如是不可思議解脫菩薩或諸有情宜見生死多時相續而令調伏或諸有情宜見生死少時相續而令調伏能以神力隨彼所宜或延七日以為一劫令彼有情謂經一劫或促一劫以為七日令彼有情謂經七日各隨所見而令調伏雖現如是神通作用而不令彼所化有情覺知如是時分延促唯令所餘觀神通力調伏之者覺知延促如是安住不可思議解脫菩薩方便善巧智力所入不可思議解脫境界非諸聲聞獨覺所測又舍利子若住如是不可思議解脫菩薩能以神力集一切佛功德莊嚴清淨世界置一佛土示諸有情又以神力取一佛土一切有情置之

无垢稱經卷第三 第十九張 指字

右掌乘意勢通遍到十方普示一切諸佛國土雖到十方一切佛土住一佛國而不移轉又以神力從一毛孔現出一切上妙供具遍歷十方一切世界供養諸佛菩薩聲聞又以神力於一毛孔普現十方一切世界所有日月星辰色像又以神力乃至十方一切世界大風輪等致置口中而身無損一切世界草木叢林雖遇此風竟無搖動又以神力十方世界所有佛土劫盡燒時捻一切火內置腹中雖此火勢熾焰不息而於其身都无損害又以神力過於下方無量俱胝殑伽沙等諸佛世界舉一佛土擲置上方過於俱胝殑伽沙等諸佛世界一佛土中如以針鋒舉小葉葉擲置餘方都無所損雖現如是神通作用而無緣者不見不知於諸有情竟無惱害唯令一切觀神通力調伏之者便見是事如是安住不可思議解脫菩薩方便善巧智力所入不可思議解脫境界非諸聲聞獨覺所測又舍利子若住如是不可思議解脫菩薩

无垢稱經卷第三 第二十張 指字

能以神力現作佛身種種色像或現獨覺及諸聲聞種種色像或現菩薩種種色像諸相隨好具足莊嚴或復現作梵王帝釋四天王轉輪王等一切有情種種色像或以神力變諸有情令作佛身及諸菩薩聲聞獨覺釋梵護世轉輪王等種種色像或以神力轉變十方一切有情上中下品音聲差別皆作佛聲第一微妙從此佛聲演出無常苦空无我究竟渴厭寂靜義等言詞差別乃至一切諸佛菩薩聲聞獨覺說法音聲皆於中出乃至十方諸佛說法所有一切名句文身音聲差別皆從如是佛聲中出普令一切有情得聞隨乘差別悉皆調伏或以神力普於十方隨諸有情言音差別如其所應出種種聲演說妙法令諸有情各得利益唯舍利子我今略說安住如是不可思議解脫菩薩方便善巧智力所入不可思議解脫境界若我廣說或經一劫或一劫餘或復過此智慧辯才終不可盡如我智慧辯才無盡安住如是不可

思議解脫菩薩方便善巧智力所入不可思議解脫境界亦不可盡以无量故尔時尊者大迦葉波聞說安住不可思議解脫菩薩不可思議解脫神力歎未曾有便語尊者舍利子言譬如有人對生盲者雖現種種差別色像而被盲者都不能見如是一切聲聞獨覺皆若生盲無殊勝眼聞說安住不可思議解脫菩薩所現難思議解脫神力乃至一事亦不能了誰有智者男子女人間說如是不可思議解脫神力不發無上正等覺心我等今者於此大乘如糠敗種永絕其根復何所作我等一切聲聞獨覺聞說如是不思議解脫神力皆應涕泣聲震三千大千世界一切菩薩聞說如是不可思議解脫神力皆應欣慶頂戴受持如玉太子受灌頂位生長堅固信解勢力若有菩薩聞說如是不思議解脫神力堅固信解一切魔王及諸魔衆於此菩薩無所能為當於尊者大迦葉波說是語時衆中三万二千天子皆發无上正等覺心

時無垢稱即語尊者迦葉波言十方无量無數世界作魔王者多是安住不可思議解脫菩薩方便善巧現作魔王為欲成熟諸有情故大迦葉波十方無量無數世界一切菩薩諸有來求手足耳鼻頭目髓腦血肉筋骨一切支體妻妾男女奴婢親屬村城聚落國邑王都四大洲等種種王位財穀珍寶金銀真珠珊瑚螺貝吠琉璃等諸莊嚴具房舍牀座衣服飲食湯藥資產為馬輦輦大小諸船器仗軍衆如是一切逼迫菩薩而求乞者多是安住不可思議解脫菩薩以巧方便現為斯事試驗菩薩令其了知意樂堅固所以者何增上勇猛諸大菩薩為欲饒益諸有情故示現如是難為大事凡夫下劣無復勢力不能如是逼迫菩薩為此乞求大迦葉波譬如螢火終無威力映蔽日輪如是凡夫及下劣位无復勢力逼迫菩薩為此乞求大迦葉波譬如龍為現威聞戰非驢所堪唯有龍為能與龍為為斯戰諍如是凡夫及下劣位無有

勢力逼迫菩薩唯有菩薩能與菩薩共相逼迫是名安住不可思議解脫菩薩方便善巧智力所入不可思議解脫境界說此法時八千菩薩得入菩薩方便善巧智力所入不可思議解脫境界

說無垢稱經卷第三

說無垢稱經卷第三

校勘記

- 一 底本，金藏廣勝寺本。
- 一 九二六頁下五行第七字「至」，石無。
- 一 九二六頁下五行「菩薩所問疾」，石、麗作「所欲問其疾」。
- 一 九二六頁下末行末字「問」，諸本作「問」。
- 一 九二七頁上六行第一〇字「亦」，石、清作「即」。
- 一 九二七頁上一四行第一二字「病」，石、資、磧、普、南、徑、清作「疾」。
- 一 九二七頁中一四行第一一字「大」，石、資、磧、普、南、徑、清作「界」。
- 一 九二七頁中一六行第二字「性」，石作「惟」。
- 一 九二七頁中一七行「無垢稱」，磧、普、南、徑、清作「妙吉祥」。
- 一 九二七頁中一八行「妙吉祥」，磧、普、南、徑、清作「無垢稱」。
- 一 九二七頁中二〇行第九字「不」，麗無。
- 一 九二七頁中末行第三字「今」，諸本作「令」。
- 一 九二七頁下四行第一一字「病」，資、磧、普、南、徑、清、麗作「疾」。
- 一 九二八頁上二行第四字「勸」，諸本作「觀」。
- 一 九二八頁上四行「此二」，石作「二性」。
- 一 九二八頁下一行首字「脫」，麗作「縛」。
- 一 九二八頁下一三行第二字「謂」，諸本作「諸」。
- 一 九二九頁上三行「善諸」，諸本作「諸善」。
- 一 九二九頁上八行第六字「在」，石、資、磧、普、南、徑、清作「處」。
- 一 九二九頁中八行末字「離」，石作「雜」。
- 一 九二九頁中一一行第五字「性」，石作「法」。
- 一 九二九頁中末行第三字「起」，資作「都」。
- 一 九三〇頁上四行第八字「樂」，資作「業」。
- 一 九三〇頁上一〇行第一二字「業」，諸本作「樂」。
- 一 九三〇頁中七行第一〇字「為」，石、資、磧、普、南、徑、清作「求」。
- 一 九三一頁上四行末字「膳」，石、清作「繕」。
- 一 九三一頁上二二行末字「座」，磧、南、徑、清作「坐」。
- 一 九三一頁下一三行末字「神」，諸本作「神等」。
- 一 九三三頁上一五行第三字「不」，資、磧、普、南、徑、清作「不可」。
- 一 九三三頁上一八行首字「戴」，石作「載」。
- 一 九三三頁中一九行首字「譬」至末行末字「有」，原版殘缺，以麗藏本補。



說無垢稱經卷第四

利

大唐三藏法師玄奘譯

觀有情品第七

時妙吉祥曰無垢稱云何菩薩觀諸有情无垢稱言辭如幻師觀所幻事如是菩薩應正觀察一切有情又觀吉祥如有智人觀水中月觀鏡中像觀陽焰水觀呼聲響觀虛空中雲城臺閣觀水聚沫所有前際觀水浮泡或起或滅觀芭蕉心所有堅實觀第五大觀第六蘊觀第七根觀十三處觀十九界觀無色界眾色影像觀蕉敗種所出牙莖觀龜毛等所作衣服觀天没者受欲戲樂觀預流果所起分別薩迦耶見觀一來果受第三有觀不還果入母胎藏觀阿羅漢貪瞋癡毒觀得忍菩薩慳怯犯戒恚害等心觀諸如來習氣相續觀生盲者觀見眾色觀住滅定有出入息觀虛空中所有鳥跡觀半擇迦根有勢用觀石女兒所有作業觀佛所化起諸結縛觀諸畢竟不生煩惱觀夢悟已夢

中所見觀不生火有所焚燒觀阿羅漢後有相續如是菩薩應正觀察一切有情所以者何諸法本空真實無我无有情故

妙吉祥言若諸菩薩如是觀察一切有情云何於彼修於大慈無垢稱言菩薩如是觀有情已自念我當為諸有情說如斯法令其解了是名真實修於大慈與諸有情究竟安樂如是菩薩修寂滅慈無諸取故修无熱慈離煩惱故修如實慈三世等故修不違慈无等起故修無二慈離内外故修無壞慈畢竟住故修堅固慈增上意樂如金剛故修清淨慈本性淨故修平等慈等虛空故修阿羅漢慈未嘗結賊故修獨覺慈不待師資故修菩薩慈成熟有情無休息故修如來慈隨覺諸法真如性故修佛之慈覺悟睡夢諸有情故修自然慈任運等覺諸法性故修菩提慈等一味故修無偏慈愛憎斷故修大悲慈顯大乘故修無諍慈觀无我故修無厭慈觀性空故觀法施慈離師憍故修淨戒

无垢稱經卷第四 第三張 辯字

慈成熟犯戒諸有情故修堪忍慈隨
護自他令無損故修精進慈荷負有
情離樂事故修靜慮慈無愛味故修
般若慈於一切時現知法故修方便
慈於一切門普示現故修妙願慈无
量願所引發故修大力慈能辨一
切廣事故修若那慈了知一切法
性相故修神通慈不壞一切法性相
故修攝事慈方便攝益諸有情故修
無著慈无身染故修無詐慈意樂淨
故修無諂慈加行淨故修无誑慈不
虛假故修深心慈離瑕穢故修安樂
慈建立諸佛安樂事故唯妙吉祥是
名菩薩修於大悲妙吉祥言云何菩
薩修於大悲無垢稱言所有造作增
長善根悉皆棄捨施諸有情一切無
怪是名菩薩修於大悲妙吉祥言云
何菩薩修於大喜無垢稱言於諸有
情作饒益事歡喜无悔是名菩薩修
於大喜妙吉祥言云何菩薩修於大
捨無垢稱言平等饒益不望果報是
名菩薩修於大捨
妙吉祥言若諸菩薩怖畏生死當何

无垢稱經卷第四 第四張 辯字

所依無垢稱言若諸菩薩怖畏生死
常正依住諸佛大我又問菩薩欲住
大我當云何住曰欲住大我當於一
切有情平等解脫中住又問欲令一
切有情解脫當何所除曰欲令一切
有情解脫除其煩惱又問欲除一切
有情煩惱當何所修曰欲除一切有
情煩惱當修如理觀察作意又問欲
修如理觀察作意當云何修曰欲修
如理觀察作意當修諸法不生不滅
又問何法不生何法不滅曰不善不
生善法不滅又問善不善法孰為本
曰以身為本又問身孰為本曰欲貪
為本又問欲貪孰為本曰虛妄分別
為本又問虛妄分別孰為本曰倒想
為本又問倒想孰為本曰無住為本
妙吉祥言如是无住孰為其本無垢
稱言斯問非理所以者何夫无住者
即無其本亦無所住由无其本無所
住故即能建立一切諸法時無垢稱
室中有一本住天女見諸大人聞所
說法得未曾有踴躍歡喜便現其身
即以天花散諸菩薩大聲聞眾時彼

无垢稱經卷第四 第五張 辯字

天花至菩薩身即便墮落至大聲聞
便者不墮時聲聞眾各欲去華書其
神力皆不能去尔時天女即問尊者
舍利子言何故去華舍利子言華不
如法我故去之天女言止勿謂此華
為不如法所以者何是華如法惟尊
者等自不如法所以者何華無分別
无異分別惟尊者等自有分別有異
分別於善說法毗奈耶中諸出家者
若有分別有異分別則不如法若無
分別无異分別是則如法惟舍利子
觀諸菩薩華不著者皆由永断一切
分別及異分別觀諸聲聞華著身者
皆由未断一切分別及異分別惟舍
利子如人有畏時非人得其便若無
所畏一切非人不得其便若畏生死
業煩惱者即為色聲香味觸等而得
其便不畏生死業煩惱者世間色聲
香味觸等不得其便又舍利子若煩
惱習未永断者華著其身若煩惱習
已永断者華不著也舍利子言天上
此室經今幾何天女答言我止此室
如舍利子所住解脫舍利子言天止

此室如是久耶天女復言所住解脫亦何如久時舍利子默然不答天曰尊者是大聲聞具大慧辯得此小問默不見答舍利子言夫解脫者雖諸名言吾今於此竟知何說天曰所說文字皆解脫相所以者何如此解脫非內非外非離二種中間可得文字亦非內非外非離二種中間可得是故無離文字說於解脫所以者何以其解脫與一切法其性平等舍利子言豈不以離貪瞋癡等為解脫耶天曰為諸增上慢者說離一切貪瞋癡等以為解脫若為遠離增上慢者即說一切貪瞋癡等本性解脫舍利子言善哉天女汝何得證慧辯若斯天曰我今無得无證慧辯如是若言我今有得有證即於善說法毗奈耶為增上慢舍利子言汝於三乘為何發趣天女答言我於三乘並皆發趣舍利子言汝何密意作如是說天曰我常宣說大乘令他聞故我為聲聞自然現覺真法性故我為獨覺常不捨離大慈悲故我為大乘又舍利子

我為化度求聲聞乘諸有情故我為聲聞我為化度求獨覺乘諸有情故我為獨覺我為化度求無上乘諸有情故我為大乘又舍利子譬如有入瞻博迦林一切惟與瞻博迦香終無樂與草麻香等如是若有止此室者惟樂大乘功德之香終不樂於聲聞獨覺功德香等由此室中一切佛法功德妙香常所薰故又舍利子諸有釋梵四大天王那伽藥叉及阿素洛廣說乃至人非人等入此室者皆為瞻仰如是居士及為親近禮敬供養聽聞大法一切皆發大菩提心皆持一切佛法功德妙香而出又舍利子吾止此室十有二年曾不聞說聲聞獨覺相應言論惟聞大乘諸菩薩行大慈大悲不可思議諸佛妙法相應言論又舍利子此室常現八未曾有殊勝之法何等為八謂舍利子此室常有金色光明周遍照曜晝夜元異不假日月所照為明是為一未曾有殊勝之法又舍利子此室常有一切世間人非人等入此室已不為一

切煩惱所害是為二未曾有殊勝之法又舍利子此室常有一切釋梵四天王等及餘世界諸大菩薩集會不空是為三未曾有殊勝之法又舍利子此室常聞菩薩六種波羅蜜多不退法輪相應言論是為四未曾有殊勝之法又舍利子此室常作天人悅樂於諸樂中演出無量百千法音是為五未曾有殊勝之法又舍利子此室常有四大寶藏眾珍盈溢恒無有盡給施一切貧窮餓寒孤獨无依乞求之者皆令稱遂終不窮盡是為六未曾有殊勝之法又舍利子此室常有釋迦牟尼如來無量壽如來難勝如來不動如來寶勝如來寶焰如來寶月如來寶嚴如來寶音聲如來師子乳如來一切義成如來如是等十方無量如來若此大士發心祈請應時即來廣為宣說一切如來秘要法門說已還去是為七未曾有殊勝之法又舍利子此室常現一切佛土功德莊嚴諸天宮殿眾妙綺飾是為八未曾有殊勝之法唯舍利子此室

常現八未曾有殊勝之法誰有見斯
不思議事而復發心樂求聲聞獨覺
法乎

時舍利子問天女言汝今何不轉此
女身天女答言我居此室十有二年
求女人性了不可得當何所轉惟舍
利子辟如幻師化作幻女若有問言
汝今何不轉此女身為正問不舍利
子言不也天女幻既非實當何所轉
天曰如是諸法性相皆非真實猶如
幻化云何乃問不轉女身即時天女
以神通力變舍利子令如天女自變
其身如舍利子而問之言尊者云何
不轉女身時舍利子以天女像而答
之言我今不知轉滅男身轉生女像
天女復言尊者若能轉此女身一切
女身亦當能轉如舍利子實非是女
而現女身一切女身亦復如是雖現
女身而實非女世尊依此密意說言
一切諸法非男非女今時天女作是
語已還攝神力各復本形問舍利子
尊者女身今何在舍利子言今我
女身無在無變天曰尊者善哉善哉

一切諸法亦復如是無在無變說一
切法無在無變是真佛語

時舍利子問天女言汝於此沒當生
何所天女答言如來所化當所生處
我當生彼舍利子言如來所化無沒
無生云何而言當所生處天曰尊者
諸法有情應知亦亦無沒无生云何
問我當生何所

時舍利子問天女言汝當久如證得
無上正等菩提天女答言如舍利子
還成異生具異生法我證無上正等
菩提久近亦亦舍利子言无處無位
我當如是還成異生具異生法天曰
尊者我亦如是無處无位當證無上
正等菩提所以者何無上菩提无有
住處是故亦無證菩提者舍利子言
若云云何佛說諸佛如苑如沙現證無
上正等菩提已證當證

天曰尊者皆是文字俗數語言說有
三世諸佛證得非謂菩提有素來今
所以者何無上菩提超過三世又舍
利子汝已證得阿羅漢耶舍利子言
不得而得得無所得天曰尊者菩提

亦亦不證而證證無而證時无垢稱
即語尊者舍利子言如是天女已曾
供養親近承事九十有二百千俱胝
那度多佛已能遊戲神通智慧所願
滿足得無生忍已於无上正等菩提
永不退轉乘本願力如其所欲隨所
宜處成熟有情

菩提分品第八

時妙吉祥問無垢稱云何菩薩於諸
佛法到究竟趣无垢稱言若諸菩薩
行於非趣乃於佛法到究竟趣妙吉
祥言云何菩薩行於非趣無垢稱言
若諸菩薩雖復行於五无間趣而無
悲惱忿害毒心雖復行於那洛迦趣
而離一切煩惱塵垢雖復行於諸傍
生趣而離一切黑暗無明雖復行於
阿素洛趣而離一切傲慢憍逸雖復
行於琰魔王趣而集廣大福慧資糧
雖復行於無色定趣而能於彼不離
趣向雖復示行貪欲行趣而於一切
所愛欲中離諸染著雖復示行瞋恚
行趣而於一切有情境界離諸瞋恚
無損害心雖復示行愚癡行趣而於

諸法遠離一切黑暗無明以智慧明而自調伏雖復示行慳貪行趣而能棄捨諸内外事不顧身命雖復示行犯戒行趣而能安立一切尸羅杜多功德少欲知足於小罪中見大怖畏雖復示行瞋忿行趣而能究竟安住慈悲心無恚惱雖復示行懈怠行趣而能勤習一切善根精進無替雖復示行根亂行趣而常恬默安止靜慮雖復示行惡慧行趣而善通達一切世間出世間信至究竟慧波羅蜜多雖復示行諂詐行趣而能成辦方便善巧雖復示行密語方便憍慢行趣而為成立濟度橋梁雖復示行一切世間煩惱行趣而性清淨究竟無染雖復示行眾魔行趣而於一切佛法覺慧而自證知不隨他緣雖復示行聲聞行趣而為有情說未聞法雖復示行獨覺行趣而為成辦大慈大悲成熟有情雖復現處諸貧窮趣而得寶手珍財無盡雖復現處諸缺根趣而具相好妙色嚴身雖復現處卑賤生趣而生佛家種姓尊貴積集殊勝

福慧資糧雖復現處羸劣醜陋眾所憎趣而得勝妙那羅延身一切有情常所樂見雖復現處諸老病趣而能畢竟除老病根起諸死畏雖復現處求財位趣而多修習觀無常想息諸怖求雖復現處官室妓女諸戲樂趣而常超出諸欲淤泥修習畢竟遠離之行雖復現處諸須鬘趣而具種種才辯莊嚴得陀羅尼念慧無失雖復現處諸邪道趣而以正道度諸世間雖復現處一切生趣而實永斷一切趣生雖復現處般濕膠趣而常不捨生死相續雖復示現得妙菩提轉大法輪入涅槃趣而復勤修菩薩行相續無斷唯妙吉祥菩薩如是行於非趣乃得名為於諸佛法到究竟趣時無垢稱問妙吉祥何等名為如來種性願為略說妙吉祥言所謂一切為身種性是如來種性一切無明有愛種性是如來種性貪欲瞋恚愚癡種性是如來種性四種虛妄顛倒種性是如來種性如是所有五蓋種性六處種性七識住種性八性種性九

惱事種性十種不善業道種性是如來種性以要言之六十二見一切煩惱惡不善法所有種性是如來種性無垢稱言依何密意作如是說妙吉祥言非見無為已入正性離生位者能發無上正等覺心要住有為煩惱諸行未見諦者能發无上正等覺心譬如高原陸地不生殞鉢羅花鉢特摩花拘母陀花奔茶利花要於卑濕穢淤泥中乃得生長此四種花如是聲聞獨覺種性已見無為已入正性離生位者終不能發一切智心要於煩惱諸行卑濕穢淤泥中方能發起一切智心於中生長諸佛法故又善男子譬如植種置於空中終不生長要植卑濕糞壤之地乃得生長如是聲聞獨覺種性已見無為已入正性離生位者不能生長一切佛法雖起身見如妙高山而能發起大菩提願於中生長諸佛法故又善男子譬如有人不入大海終不能得吠琉璃等無價珍寶不入生死煩惱大海終不能發無價珍寶一切智心是故當知

无垢稱經卷第四 第十一品 樹字

一切生死煩惱種性是如來種性

余時尊者大迦葉波歎妙吉祥善哉

善哉極為善說實語如語誠無異言

一切生死煩惱種性是如來種性所

以者何我等今者心相續中生死種

子悲已摧敗終不能離正等覺心寧

可成就五無間業不作我等諸阿羅

漢究竟解脫所以者何成就五種無

間業者猶能有力盡无間業發於无

上正等覺心漸能成辦一切佛法我

等漏盡諸阿羅漢永無此能如缺根

士於妙五欲無所能為如是漏盡諸

阿羅漢諸結永斷即於佛法无所能

為不復志求諸佛妙法是故具生能

報佛恩聲聞獨覺終不能報所以者

何具生聞佛法僧功德為三寶種終

無斷絕能發無上正等覺心漸能成

辦一切佛法聲聞獨覺假使終身聞

說如來力無畏等乃至所有不共佛

法一切功德終不能發正等覺心

余時象中有一菩薩名曰善現一切

色身問無垢稱言居士父母妻子奴

無御人等類悉為是誰皆在何所在
 時無垢稱以妙如他而答之曰
 慧度菩薩母善方便為父世間真導師
 無不由此生妙法樂為妻大慈悲為女
 真實諦法男思空勝義舍煩惱為賤妹
 僕使隨言轉豐分成就友由此證菩提
 六度為眷屬四攝為妓女結集正法言
 以為妙音樂總持作園苑大法成林樹
 覺品花莊嚴解脫智慧果八解之妙池
 定水湛然滿七淨花弥布洗除諸垢穢
 神通為鳥馬大垂持作車調御菩提心
 遊八道支路妙相具莊嚴象好而綺間
 慙愧為衣服勝意樂為場具正法珍財
 曉示為方便無倒行勝利迴向大菩提
 四禪慮為床淨命為茵蓐念智常覺悟
 无不在定心既養不死法還飲解脫味
 沐浴妙淨心塗香上品戒殊滅煩惱賊
 勇健無能勝摧伏四魔恣建妙菩提幢
 雖實无起滅而故思受生悉現諸佛土
 如日光普照盡持上妙供奉獻諸如來
 於佛及自身一切無分別雖知諸佛國
 及與有情空而常修淨土利物無休倦
 一切有情類色聲及威儀無畏力菩薩

无垢稱經卷第四 第十二品 樹字

剎那能盡現雖覺諸魔業而示隨所轉

至究竟方便有表事皆成或示現自身

有諸老病死成熟諸有情如遊戲幻法

或現劫火起天地皆熾然有情執常相

照令知速滅千俱脛有情率土咸來請

同時受彼供皆令趣菩提於諸禁呪術

書論眾伎藝皆知至究竟利樂諸有情

世間諸道法遍於中出家隨方便利生

而不墮諸見或作日月天梵王世界主

地水及火風饒益有情類能於疾疫劫

現作諸良藥蠲除諸疾苦令趣大菩提

能於飢饉劫現作諸飲食先除彼飢渴

說法令安泰能於刀兵劫修慈悲靜慮

令無量有情欣然无患害能於大戰陣

示現力朋黨往復令和好勸發菩提心

諸佛土無量地獄亦无邊悉往其方所

拔苦令安樂諸有傍生趣殘害相食取

皆現生於彼利樂名本生示受於諸欲

而常修靜慮惑亂諸惡魔令不得其便

如火中生華說為其希有修定而行欲

希有復過此或現作姪女引諸好色者

先以欲相招後令修佛智或為城邑宰

高主及國師臣僚輔相尊利樂諸含識

无垢稱經卷第四 第十三品 樹字

為諸賈者現作無盡戲給施除貧苦
令趣大菩提於諸憍慢者現作大力士
摧伏彼貢高令住菩提願於諸恐怖者
方便善安慰除彼驚怖已令發菩提心
現作五通仙清淨修梵行皆令善安住
戒忍慈善中或見諸有情現前流給時
乃為作僮僕弟子而事之隨彼彼方便
令受樂正法於諸方便中皆能善修學
如是無邊行及無邊所行無邊智圓滿
度脫無邊眾假令一切佛住百千劫中
讚述其功德猶尚不能盡誰聞如是法
不願大菩提除下劣有情都无有慧者
說無垢稱經不二法門品第九
時無垢稱普問眾中諸菩薩曰云何
菩薩善能悟入不二法門仁者皆應
仁已辯才各隨樂說時眾會中有諸
菩薩各隨所樂次第而說
時有菩薩名法自在作如是言生滅
為二若諸菩薩了知諸法本來无生
亦無有滅證得如是无生法忍是為
悟入不二法門
復有菩薩名曰勝密作如是言我及
我所分別為二因計我故便計我所

若了無我亦无我所是為悟入不二
法門

復有菩薩名曰無礙作如是言有取
無取分別為二若諸菩薩了知无取
則無所得无所得故則無增減无作
無息於一切法无所執者是為悟入
不二法門

復有菩薩名曰勝峯作如是言難空
清淨分別為二若諸菩薩了知難空
清淨無二則无分別永断分別趣寂
滅跡是為悟入不二法門

復有菩薩名曰妙星作如是言散動
思惟分別為二若諸菩薩了知一切
無有散動无所思惟則無作意住无
散動无所思惟無有作意是為悟入
不二法門

復有菩薩名曰妙眼作如是言一相
無相分別為二若諸菩薩了知諸法
无有一相無有異相亦无無相則知
如是一相異相無相平等是為悟入
不二法門

復有菩薩名曰妙辯作如是言菩薩
聲聞二心為二若諸菩薩了知二心

性空如幻無菩薩心无聲聞心如是
二心其相平等皆同幻化是為悟入
不二法門

復有菩薩名曰有養作如是言善及
不善分別為二若諸菩薩了知善性
及不善性無所發起相與无相二向
平等无取无捨是為悟入不二法門

復有菩薩名曰師子作如是言有罪
無罪分別為二若諸菩薩了知有罪
及與無罪二皆平等以金剛慧通達
諸法无縛無解是為悟入不二法門

復有菩薩名師子慧作如是言有漏
無漏分別為二若諸菩薩知一切法
性皆平等於漏无漏不起二想不著
有想不著無想是為悟入不二法門

復有菩薩名淨勝解作如是言有為
無為分別為二若諸菩薩了知二法
性皆平等遠離諸行覺慧如空智善
清淨無執无遺是為悟入不二法門

復有菩薩名那羅延作如是言世出
世間分別為二若諸菩薩了知世間
本性空寂無入无出無流无散亦不
執者是為悟入不二法門

無所執著者第一 第三十 辯別

復有菩薩名調順慧作如是言生死涅槃分別為二若諸菩薩了知生死其性不空無有流轉亦无寂滅是為悟入不二法門

復有菩薩名曰現見作如是言有盡無盡分別為二若諸菩薩了知都无有盡无盡要究竟盡乃名為盡若究竟盡不復當盡則名無盡又有盡者謂一刹那一刹那中定无有盡則是無盡有盡无故無盡亦無了知有盡无盡性空是為悟入不二法門

復有菩薩名曰普密作如是言有我無我分別為二若諸菩薩了知有我尚不可得何況無我見我无我其性无二是為悟入不二法門

復有菩薩名曰電天作如是言明與無明分別為二若諸菩薩了知无明本性是明明與無明俱不可得不可算計起算計路於中現觀平等无二是為悟入不二法門

復有菩薩名曰意見作如是言色受想行及識與空分別為二若知取蘊性本空即是色空非色滅空乃至

無所執著者第一 第三十一 辯別

識蘊亦復如是是為悟入不二法門復有菩薩名曰光幢作如是言四界與空分別為二若諸菩薩了知四界即虛空性前中後際四界與空性皆无個悟入諸界是為悟入不二法門復有菩薩名曰妙慧作如是言眼耳鼻舌身觸意法分別為三若諸菩薩了知一切其性皆空見眼自性於色無貪无瞋無癡如是乃至見意自性於法無貪无瞋無癡此則為空如是見已寂靜安住是為悟入不二法門

復有菩薩名無盡慧作如是言布施迴向一切智性各別為二如是分別戒忍精進靜慮般若及與迴向一切智性各別為二若了布施即所迴向一切智性此所迴向一切智性即是布施如是乃至般若自性即所迴向一切智性此所迴向一切智性即是般若了此一理是為悟入不二法門復有菩薩名其深覺作如是言空無相願分別為二若諸菩薩了知空中都無有相此无相中亦無有願此无

無所執著者第一 第三十二 辯別

願中無心无意無識可轉如是即於一解脫門具攝一切三解脫門若此通達是為悟入不二法門

復有菩薩名寂靜根作如是言佛法僧寶分別為二若諸菩薩了知佛性即是法性法即僧性如是三寶皆無為相與虛空等諸法亦若此通達是為悟入不二法門

復有菩薩名無尋眼作如是言是薩迦耶及薩迦耶滅分別為二若諸菩薩知薩迦耶即薩迦耶滅如是了知畢竟不起薩迦耶見於薩迦耶薩迦耶滅即無分別无異分別證得此二究竟滅性无所猜疑無驚无懼是為悟入不二法門

復有菩薩名善調順作如是言是身語意三種律儀分別為二若諸菩薩了知如是三種律儀皆無作相其相無二所以者何此三業皆无作相身无作相即語無作相語无作相即意無作相意无作相即一切法俱無作相若能隨入無造作相是為悟入不二法門

復有菩薩名曰福田作如是言罪行
福行及不動行分別為二若諸菩薩
了知罪行福及不動皆無作相其相
無二所以者何罪福不動如是三行
性相皆空空空中無有罪福不動三行
差別如是通達是為悟入不二法門
復有菩薩名曰花嚴作如是言一切
二法皆從我起若諸菩薩知我實性
即不起二不起二故即無了別无了
別故無所了別是為悟入不二法門
復有菩薩名曰勝藏作如是言一切
二法有所得起若諸菩薩了知諸法
都無所得則无取捨既無取捨是為
悟入不二法門
復有菩薩名曰月上作如是言明之
與暗分別為二若諸菩薩了知實相
無暗无明其性無二所以者何譬如
苾芻入滅盡定无暗無明一切諸法
其性相亦尔如是妙契諸法平等是
為悟入不二法門
復有菩薩名寶印手作如是言欣厭
涅槃生死為二若諸菩薩了知涅槃
及與生死不生欣厭則無有二所以

者何若為生死之所繫縛則未解脫
若知畢竟無生死縛何為更求涅槃
解脫如是通達无縛無解不欣涅槃
不厭生死是為悟入不二法門
復有菩薩名珠鬘王作如是言正道
邪道分別為二若諸菩薩善能安住
正道邪道究竟不行以不行故則無
正道邪道二相除二相故則无二覺
若無二覺是為悟入不二法門
復有菩薩名曰諦實作如是言虛之
與實分別為二若諸菩薩觀諦實性
尚不見實何况見虛所以者何此性
非是肉眼所見慧眼乃見如是見時
於一切法無見无不見是為悟入不
二法門
如是會中有諸菩薩隨所了知各別
說已同時發問妙吉祥雲何菩薩名
為悟入不二法門
時妙吉祥告諸菩薩汝等所言雖皆
是善如我意者汝等此說猶名為二
若諸菩薩於一切法無言无說無表
無示離諸戲論絕於分別是為悟入
不二法門

時妙吉祥復問菩薩無垢稱言我等
隨意各別說已仁者當說云何菩薩
名為悟入不二法門
時無垢稱默然无說妙吉祥言善哉
善哉如是菩薩是真悟入不二法門
於中都無一切文字言說分別此諸
菩薩說是法時於眾會中五千菩薩
皆得悟入不二法門俱時證會無生
法忍

說無垢稱經卷第四

說無垢稱經卷第四

校勘記

- 一 底本，金藏廣勝寺本。九四一頁上原版缺，以麗藏本補。
- 一 九三五頁中一四行第三字「没」，
〔資〕、〔積〕、〔普〕、〔南〕、〔徑〕、〔清〕作「歿」。

一 九三五頁下二一行「悲慈」，**經**作

「慈悲」。

一 九三五頁下末行第四字「觀」，諸

本作「修」。

一 九三六頁上三行第二字「離」，**資**、

磧、**晉**、**南**、**徑**、**清**、**麗**作「利」。

一 九三六頁中一五行末字「想」，**資**、

磧、**晉**、**南**、**徑**、**清**作「相」，下同。

一 九三七頁上一二行第三字「為」，

麗作「佛偽」。

一 九三八頁中三行第一二字「沒」，

普、**經**作「歿」。

一 九三八頁下一行第九字「而」，諸

本作「所」。

一 九三八頁下一五行第八字「垢」，

石作「埃」。

一 九三八頁下一九行末字「離」，諸

本作「樂」。

一 九三九頁中六行首字「悌」，**資**、

磧、**晉**、**南**、**徑**、**清**作「希」。

一 九三九頁中一八行第二字「性」，

資作「姓」，下同。

一 九三九頁中末行第一二字「性」，

麗無。

一 九三九頁下一八行「生長」，**石**作

「長生」。

一 九四〇頁上一二行第一一字「善」，

石、**麗**作「善」。

一 九四〇頁中一行「在何所」，諸本

作「何所在」。

一 九四〇頁中一一行「持作」，**麗**作

「以為」。

一 九四〇頁中一五行第二字「禪」，

諸本作「靜」。

一 九四〇頁下一五行第三字「力」，

資、**磧**、**晉**、**徑**、**清**作「無」。

一 九四〇頁下二〇行第八字「其」，

資、**磧**、**晉**、**南**、**徑**、**清**、**麗**作「甚」。

一 九四一頁上六行第七字「見」，**石**

作「現」。

一 九四一頁上八行第二字「愛」，**經**

作「安」。

一 九四一頁中二二行第七字「妙」，

石作「如」。

一 九四一頁下一二行第五字「名」，

資、**磧**、**晉**、**南**、**徑**、**清**作「名曰」。

一 九四二頁上三行第三字「不」，**資**、

磧、**晉**、**南**、**徑**、**清**、**麗**作「本」。

一 九四二頁中二二行第二字「願」，

麗作「無願」。

一 九四二頁下一九行第九字「業」，

資、**磧**、**晉**、**南**、**徑**、**清**、**麗**作「業道」。

一 九四二頁下一九行第一〇字「皆」，

資、**磧**、**晉**、**南**、**徑**、**清**、**麗**作「道皆」。

一 九四三頁上一九行第二字「性」，

資、**磧**、**晉**、**南**、**徑**、**清**、**麗**無。

一 九四三頁中八行第九字「相」，**資**

磧、**晉**、**南**、**徑**、**清**作「想」。

一 九四三頁中一七行第一〇字「雲」，

諸本作「言」。



說無垢稱經卷第五

大唐三藏法師玄奘譯

香臺佛品第十

時舍利子作是思惟食時將至此摩訶薩說法未起我等聲聞及諸菩薩當於何食時无垢稱知彼尋思便告之曰大德如來為諸聲聞說八解脫仁者已往句以野食染汙其心而聞正法若欲食者且待須臾當令皆得未曾有食

时无垢稱便入如是微妙寂定發起如是殊勝神通示諸菩薩大聲聞眾上方界分去此佛土過四十二殑伽沙等諸佛世界有佛世界名一切妙香其中有佛号寂上香臺今現在彼安隱住持彼世界中有妙香氣比餘十方一切佛土人天之香取為第一彼有諸樹皆出妙香普薰方域一切周滿彼中無有二乘之名唯有清淨大菩薩眾而彼如來為其說法彼世界一切臺觀宮殿經行園林衣服皆是種種妙香所成彼佛世尊及善

薩眾所食香氣微妙第一普薰十方無量佛土時彼如來與諸菩薩方共生食彼有天于名曰香嚴已於大衆深心發願供養承事彼土如來及諸菩薩時此大衆一切皆觀彼界如來與諸菩薩方共坐食如是等事

时无垢稱遍告一切菩薩眾言汝等大士誰能往彼取妙香食以妙吉祥威神力故諸菩薩眾咸皆默然時無垢稱告妙吉祥汝今云何於此大衆而不加護令其乃尔妙吉祥言居士汝今不應輕毀諸菩薩眾如佛所言勿輕末學

时无垢稱不起于牀居眾會前化作菩薩身真金色相好莊嚴威德光明嚴於眾會而告之曰汝善男子宜往上方去此佛土過四十二殑伽沙等諸佛世界有佛世界名一切妙香其中有佛号寂上香臺與諸菩薩方共坐食汝往到彼頂礼佛足應作是言於此下方有無垢稱稽首雙足敬問世尊少病少惱起居輕利氣力康和安樂住不遙心右繞多百千匝頂礼

雙足作如是言願得世尊所食之餘當於下方堪忍世界施作佛事令此下劣欲樂有情當放大慧亦使如來應量功德名稱普聞

時化菩薩於眾會前上昇虛空舉眾皆見神通迅疾經須臾頃便到一切妙香世界頂禮眾上香臺佛足又聞其言下方菩薩名無垢稱稱首雙足舒問世尊少病少惱起居輕利氣力康和安樂住不遙心右繞多百千匝頂禮雙足作如是言願得世尊所食之餘當於下方堪忍世界施作佛事令此下劣欲樂有情當放大慧亦使如來無量功德名稱普聞時彼上方菩薩眾會見化菩薩相好在嚴威德光明微妙殊勝歎未曾有今此大士從何處來堪忍世界為在何所云何名為下劣欲樂尋問眾上香臺如來唯願世尊為說斯事佛告之曰諸善男子於彼下方去此佛土過四十二殍伽沙等諸佛世界有佛世界名曰堪忍其中佛号釋迦牟尼如來應正等覺今現在彼安隱住持居五濁世

為諸下劣欲樂有情宣揚正法彼有菩薩名無垢稱已得安住不可思議解脫法門為諸菩薩開示妙法遣化菩薩來至此間稱揚我身功德名号并讚此土眾德莊嚴令彼菩薩善根增進彼菩薩眾咸作是言其德何如乃作是化大神通力無畏若斯彼佛告言諸善男子是大菩薩成就殊勝大功德法一剎那頃化作无量無邊菩薩遍於十方一切國土皆遣其往施作佛事利益安樂無量有情於是眾上香臺如來以能流出眾妙香器盛諸妙香所薰之食授无垢稱化菩薩手時彼佛土有九百万大菩薩僧同時舉聲請於彼佛我等欲與此化菩薩俱往下方堪忍世界瞻仰釋迦牟尼如來禮敬供事聽聞正法并欲瞻仰禮敬供事彼無垢稱及諸菩薩唯願世尊加護聽許彼佛告曰諸善男子汝便可往今正是時汝等皆應自攝身香入堪忍界勿令彼諸有情醉悶放逸汝等皆應自隱色相入堪忍界勿令彼諸菩薩心生愧恥

汝等於彼堪忍世界勿生劣想而作障導所以者何諸善男子一切國土皆如虛空諸佛世尊為欲成熟諸有情故隨諸有情所樂示現種種佛土或淨或淨無決定相而諸佛土實皆清淨无有差別時化菩薩受滿食器與九百万諸菩薩僧承彼佛威神及無垢稱力於彼界沒經須臾頃至於此土无垢稱室欬然而現時無垢稱化九百万師子之座微妙莊嚴與前所坐諸師子座都無有異令諸菩薩皆坐其上時化菩薩以滿食器授無垢稱如是食器妙香普薰廣嚴大城及此三千大千世界無量无边妙香薰故一切世界香氣芬馥廣嚴大城諸婆羅門長者居士人非人等聞是香氣得未曾有驚歎无量身心踊悅時此城中離咄咄王名為月蓋與八万四千離咄咄種種莊嚴悉來入于無垢稱室見此室中諸菩薩眾其數甚多諸師子座高廣嚴飾生大歡喜歎未曾有禮諸菩薩及大聲聞却住

一面時諸地神及虛空神并欲色界諸天子衆聞是妙香各與眷屬无量百千悉來入于無垢稱室時无垢稱便語尊者舍利子等諸大聲聞尊者可食如來所施甘露味食如是食者大悲所薰勿以少分下劣心行而食此食若如是食定不能消時衆會中有劣聲聞作如是念此食甚少去何充足如是大衆時化菩薩便告之言勿以汝等自少福慧測量如來無量福慧所以者何四大海水乍可有竭是妙香食終無有盡假使無量大千世界一切有情一一搏食其食搏量等妙高山如是搏食或經一劫或一百劫猶不能盡所以者何如是食者是無盡戒定慧解脫解脫知見所生如來所食之餘无量三千大千世界一切有情經百千劫食此香食終不能盡於是大衆皆食此食悉得充滿而尚有餘時諸聲聞及諸菩薩并人天等一切衆會食此食已其身安樂辭如一切安樂莊嚴世界菩薩一切安樂之所任持身諸毛孔

皆出妙香辟如一切妙香世界衆妙香樹常出無量種種妙香時無垢稱問彼上方諸來菩薩汝等知不彼去如來於其世界為諸菩薩云何說法彼諸菩薩咸共答言我土如來不為菩薩文詞說法但以妙香令諸菩薩皆悉調伏彼諸菩薩各各安坐妙香樹下諸妙香樹各各流出種種香氣彼諸菩薩聞斯妙香便獲一切德莊嚴定獲此定已即具一切菩薩功德時彼上方諸來菩薩聞無垢稱此土如來釋迦牟尼為諸有情云何說法無垢稱曰此土有情一切剛強極難調化如來還以種種能伏剛強語言而調化之云何名為種種能伏剛強語言謂為宣說此是地獄趣此是傍生趣此是餓鬼趣此是無暇生此是諸根缺此是身惡行是身惡行果此是語惡行是語惡行果此是意惡行是意惡行果此是斷生命是斷生命果此是不與取是不與取果此是欲邪行是欲邪行果此是虛誑語是虛

誑語果此是離間語是離間語果此是惡惡語是惡惡語果此是雜穢語是雜穢語果此是貪欲是貪欲果此是瞋恚是瞋恚果此是邪見是邪見果此是慳吝是慳吝果此是毀戒是毀戒果此是瞋恨是瞋恨果此是懈怠是懈怠果此是心亂是心亂果此是愚癡是愚癡果此受所學此越所學此持別解脫此犯別解脫此是應作此非應作此是瑜伽此非瑜伽此是永斷此非永斷此是障導此非障導此是犯罪此是出罪此是雜染此是清淨此是正道此是邪道此是善此是惡此是世間此出世間此是有罪此是無罪此是有漏此是无漏此是有為此是無為此是功德此是過失此是有苦此是无苦此是有樂此是无樂此可厭離此可欣樂此可棄捨此可修習此是生死此是涅槃如是等法有無量門此土有情其心剛強如來說此種種法門安住其心令其調伏辭如為馬憊悞不調加諸楚毒乃至徹骨然後調伏如是此土剛

強有情極難調化如來方便以如是等苦切言詞懇懇誨喻然後調伏趣入正法

時彼上方諸來菩薩聞是說已得未曾有皆作是言甚奇世尊釋迦牟尼能為難事隱覆无量尊貴功德示現如是調伏方便成熟下劣貧賤有情以種種門調伏攝益是諸菩薩居此佛土亦能堪忍種種勞倦成就取勝希有堅牢不可思議大悲精進助揚如來無上正法利樂如是難化有情无垢稱言如是大士誠如所說釋迦如來能為難事隱覆無量尊貴功德不憚劬勞方便調伏如是剛強難化有情諸菩薩衆生此佛土亦能堪忍種種勞倦成就取勝希有堅牢不可思議大悲精進助揚如來無上正法利樂如是无量有情大士當知堪忍世界行菩薩行饒益有情經於一生所得功德多於一切妙香世界百十大劫行菩薩行饒益有情所得功德所以者何堪忍世界略有十種修集善法餘十方界清淨佛土之所無有

何等為十一以惠施攝諸貧窮二以淨戒攝諸毀禁三以忍辱攝諸瞋恚四以精進攝諸懈怠五以靜慮攝諸亂意六以勝慧攝諸愚癡七以說除八無暇法普攝一切无暇有情八以宣說大乘正法普攝一切樂小法者九以種種殊勝善根普攝未種諸善根者十以無上四種攝法恒常成熟一切有情是為十種修集善法此堪忍界悉皆具足餘十方界清淨佛土之所無有時彼佛土諸來菩薩復作是言堪忍世界諸菩薩衆成就樂法無毀无傷從此命終生餘淨土無垢稱言堪忍世界諸菩薩衆成就八法无毀无傷從此命終生餘淨土何等為八一者菩薩如是思惟我於有情應作善事不應於彼希聖善報二者菩薩如是思惟我應代彼一切有情受諸苦惱我之所有一切善根悉迴施與三者菩薩如是思惟我應於彼一切有情其心平等心無罣碍四者菩薩如是思惟我應於彼一切有情摧伏憍慢敬愛如佛五者菩薩信解

增上於未聽受甚深經典暫得聽聞無疑无謗六者菩薩於他利養無嫉妬心於己利養不生憍慢七者菩薩調伏自心常省己過不譏他犯八者菩薩恒無放逸於諸善法常樂尋求精進修行菩提分法堪忍世界諸菩薩衆若具成就如是八法無毀无傷從此命終生餘淨土其無垢稱與妙吉祥諸菩薩等於大衆中宣說種種微妙法時百千衆生同發無上正等覺心十千菩薩悉皆證得无生法忍菩薩行品第十一佛時猶在菴羅衛林為衆說法於衆會處其地欽然廣博嚴淨一切大衆皆現金色時阿難陀即便白佛世尊此是誰之前相於衆會中欽然如是廣博嚴淨一切大衆皆現金色佛告具壽阿難陀曰是無垢稱與妙吉祥將諸大衆恭敬圍繞發意欲來赴斯衆會現此相時无垢稱語妙吉祥我等今應與諸大士詣如來所頂禮供事瞻仰世尊聽受妙法妙吉祥曰

說无垢稱經卷第五

說无垢稱經卷第五

第七

對字

今正是時可同行矣時無垢稱現神通力令諸大眾不起本處并師子座住右掌中往詣佛所到已置地恭敬頂禮世尊雙足右繞七匝却住一面向佛合掌儼然而立諸大菩薩下師子座恭敬頂禮世尊雙足右繞三匝却住一面向佛合掌儼然而立諸大聲聞釋梵護世四天王等亦皆避座恭敬頂禮世尊雙足却住一面向佛合掌儼然而立於是世尊如法慰問諸菩薩等一切大眾作是告言汝等大眾隨其所應各復本座時諸大眾蒙佛教勅各還本座恭敬而坐

仁等身內何緣而有舍利子言是无垢稱自在神力遣化菩薩往至上方便上香臺如來佛土請得彼佛所食之餘來至室中供諸大眾其間所有食此食者一切毛孔皆出是香時阿難問無垢稱是妙香氣當住久如無垢稱言乃至此食未皆消盡其香猶住阿難隨曰如是所食其經久如當皆消盡无垢稱言此食勢分七日七夜住在身中過是已後乃可漸消雖久未消而不為患具壽當知諸聲聞乘未入正性離生位者若食此食要入正性離生位已然後乃消未離欲者若食此食要得離欲然後乃消未解脫者若食此食要心解脫然後乃消諸有大乘菩薩種性未發无上菩提心者若食此食要發无上菩提心已然後乃消已發无上菩提心者若食此食要當證得无生法忍然後乃消已證得無生忍若食此食要當安住不退轉位然後乃消其已安住不退位者若食此食要當安住一生繫位然後乃消具壽當知譬如世

間有大藥王名寂上味若有眾生遇遭諸毒遍滿身者與令服之乃至諸毒未曾除滅是大藥王猶未消盡諸毒滅已然後乃消食此食者亦復如是乃至一切煩惱諸毒未皆除滅如是所食猶未消盡煩惱滅已然後乃消阿難隨言不可思議如是大士所致香食能為眾生作諸佛事佛即告言如是如是如汝所說不可思議此無垢稱所致香食能為眾生作諸佛事

說無垢稱經卷第五 第十五

說無垢稱經卷第五 第十六

說無垢稱經卷第五 第十七

調伏或有佛土為諸有情種種文詞
 宣說幻夢光影水月響聲陽鏡鏡像
 浮雲健捷縛城帝網等喻而作佛事
 或有佛土以其音聲語言文字宣說
 種種諸法性相而作佛事或有佛土
 清淨寂冥無言無說無訶無讚無所
 推求無有戲論無表無示所化有情
 因斯寂冥自然證入諸法性相而作
 佛事如是當知十方世界諸佛國土
 其數無邊所作佛事亦無數量以要
 言之諸佛所有威儀進止受用施為
 皆令所化有情調伏是故一切皆名
 佛事又諸世間所有四魔八万四千
 諸煩惱門有情之類為其所惱一切
 如來即以此法為諸眾生而作佛事
 汝今當知如是法門名為悟入一切
 佛法若諸菩薩入此法門雖見一切
 成就無量廣大功德嚴淨佛土不生
 喜貪雖見一切無諸功德雜穢佛土
 不生憂患於諸佛所發生上品信樂
 恭敬歎未曾有諸佛世尊一切功德
 平等圓滿得一切法究竟真實平等
 性故為欲成熟差別有情示現種種

差別佛土汝今當知如諸佛土雖所
 依地勝劣不同而上虛空都無差別
 如是當知諸佛世尊為欲成熟諸有
 情故雖現種種色身不同而無障身
 福德智慧究竟圓滿都無差別
 汝今當知一切如來悉皆平等所謂
 家上周圓無極形色威光諸相隨好
 族姓尊貴清淨尸羅定慧解脫解脫
 知見諸力無畏不共佛法大慈大悲
 大喜大捨利益安樂威儀所行正行
 壽量說法度脫成熟有情清淨佛土
 悉皆平等以諸如來一切佛法悉皆
 平等最上周圓究竟無盡是故皆同
 名正等覺名為如來名為佛隨汝今
 當知設令我欲分別廣說此三句義
 汝經劫住無間聽受窮其壽量亦不
 能盡假使三千大千世界有情之類
 皆如阿難得念捨持多聞第一咸經
 劫住無間聽受窮其壽量亦不能盡
 此正等覺如來佛隨三句妙義无能
 究竟宣揚決擇唯除諸佛如是當知
 諸佛菩提功德無量無滯妙辯不可
 思議說是語已時阿難隨白言世尊

我從今去不敢自稱得念捨持多聞
 第一佛便告曰汝今不應心生退屈
 所以者何我自昔來但說汝於聲聞
 眾中得念捨持多聞第一非於菩薩
 汝今且止其有智者不應測量諸善
 薩事汝今當知一切大海源底深淺
 猶可測量菩薩智慧念定捨持辯才
 力海無能測者汝等聲聞置諸菩薩
 所行境界不應思惟於一食頃無
 垢稱示現變化所作神通一切聲聞
 及諸獨覺百千大劫示現變化神力
 所作亦不能及
 時彼上方諸來菩薩皆起禮拜釋迦
 牟尼合掌恭敬白言世尊我等初來
 見此佛土種種雜穢生下劣想今皆
 悔愧捨離是心所以者何諸佛境界
 方便善巧不可思議為欲成熟諸有
 情故如如有情所樂差別如是如是
 示現佛土唯然世尊願賜少法當還
 一切妙香世界由此法故常念如來
 說是語已世尊告彼諸來菩薩言善
 男子有諸菩薩解脫法門名有盡無
 盡汝今敬愛當勤修學云何名為有

盡無盡言有盡者即是有為有生滅法言無盡者即是無為无生滅法菩薩不應盡其有為亦復不應住於無為云何菩薩不盡有為謂諸菩薩不棄大慈不捨大悲曾所生起增上意樂一切智心繫念實重而不暫忘滅熱有情常無厭倦於四攝事恒不棄捨護持正法不惜身命求習諸善終無厭足常樂安立迴向善巧詢求正法曾無懈倦敷演法教不作師倦常欣瞻仰供事諸佛故受生死而無怖畏雖遇興衰而无欣感於諸未學終不輕陵於已學者敬愛如佛於煩惱雜能如理思於遠離樂能不耽染於已樂事曾無味著於他樂事深心隨喜於所修習靜慮解脫等持等至如地獄想而不味著於所遊歷界趣生死如宮苑想而不厭離於乞求者生善友想捨諸所有皆無顧怯於一切智起迴向想於諸毀禁起救護想於波羅蜜多如父母想速令圓滿於菩提分法如翼從想不令究竟於諸善法常勤修習於諸佛土恒樂莊嚴於他

佛土深心欣讚於自佛土能速成就為諸相好圓滿莊嚴修行清淨无身大施為身語心嚴飾清淨遠離一切難犯戒惡法為令身心堅固堪忍遠離一切忿恨煩惱為令所修速得究竟經劫無數生死流轉為令自心勇猛堅住聽佛无量功德不倦為欲永害煩惱怨敵方便修治般若刀杖為欲荷諸有情重擔於諸世界求遍了知為欲摧伏一切魔軍熾然精進曾無懈怠為欲護持无上正法離慢勤求善巧化智為諸世間愛重受化常樂習行少欲知足於諸世法恒無雜染而能隨順一切世間於諸威儀恒无毀壞而能示現一切所作發生種種神通妙慧利益安樂一切有情受持一切所聞正法為起妙智正念捨持發生諸根勝劣妙智為斷一切有情疑惑證得種種無尋辯才敷演正法常無擁滯為受人天殊勝喜樂勤修清淨十善業道為正開發梵天道路勤進修行四無量智為得諸佛上妙音聲勸請說法隨喜讚善為得諸

佛土妙威儀常修殊勝寂靜三業為令所修念念增勝於一切法心無染滯為善調御諸善薩僧常以大乘勸衆生學為不失壞所有功德於一切時常無放逸為諸善根展轉增進常樂修治種種大願為欲莊嚴一切佛土常勤修習廣大善根為令所修究竟無盡常修迴向善巧方便諸善男子修行此法是名菩薩不盡有為云何菩薩不住無為謂諸菩薩雖行於空而於其空不樂作證雖行无相而於無相不樂作證雖行無願而於无願不樂作證雖行無作而於无作不樂作證雖觀諸行皆悉無常而於善根心無厭足雖觀世間一切皆苦而於生死故意受生雖樂觀察内无有我而不畢竟厭捨自身雖樂觀察外無有情而常化導心無厭倦雖觀涅槃畢竟寂靜而不畢竟隨於寂滅雖觀遠離究竟安樂而不究竟厭患身心雖樂觀察無阿賴耶而不棄捨清白法藏雖觀諸法畢竟无生而常荷負利衆生事雖觀無漏而於生死

說無垢稱經卷第五 第三法 持字子

流轉不絕雖觀无行而行成熟諸有情事雖觀無我而於有情不捨大悲雖觀無生而於二乘不墜正位雖觀諸法畢竟空寂而不空寂所修福德雖觀諸法畢竟遠離而不遠離所修智慧雖觀諸法畢竟无實而常安住圓滿思惟雖觀諸法畢竟無主而常精勤求自然智雖觀諸法永无憊熾而於了義安立佛種諸善男子修行此法故名菩薩不住無為

又善男子以諸菩薩常勤修集福資糧故不住無為常勤修集智資糧故不盡有為成就大慈无缺減故不住無為成就大悲無缺減故不盡有為利益安樂諸有情故不住無為究竟圓滿諸佛法故不盡有為成滿一切相好莊嚴佛色身故不住無為證得一切力無畏等佛智身故不盡有為方便善巧化衆生故不住無為微妙智慧善觀察故不盡有為修治佛土究竟滿故不住無為佛身安住常无盡故不盡有為常作饒益衆生事故不住無為領受法義无休廢故不盡

有為積集善根常無盡故不住無為

善根力持不斷壞故不盡有為欲成滿本所願故不住無為於永寂滅不希求故不盡有為圓滿意樂善清淨故不住無為增上意樂善清淨故不盡有為恒常遊戲五神通故不住無為佛智六通善圓滿故不盡有為羅蜜多資糧滿故不住無為本所思惟未圓滿故不盡有為集法財寶常無歇故不住無為不樂希求少分法故不盡有為堅牢善願常无退故不住無為能令善願究竟滿故不盡有為積集一切妙法藥故不住無為隨其所應授法藥故不盡有為遍知衆生煩惱病故不住無為息除衆生煩惱病故不盡有為諸善男子菩薩如是不盡有為不住無為是名安住有盡無盡解脫法門汝等皆當精勤修學尔時一切妙香世界取上香臺如來佛土諸來菩薩聞說如是有盡无盡解脫門已法教開發勸勵其心皆大歡喜身心踊躍以無量種上妙香花諸莊嚴具供養世尊及諸菩薩并此

說無垢稱經卷第五 第三法 持字子

所說有盡無盡解脫法門復以種種上妙香花散遍三千大千世界香花覆地深沒於膝時諸菩薩恭敬頂禮世尊雙足右繞三四匝稱揚讚頌釋迦牟尼及諸菩薩并所說法於此佛土歎然不現經須臾間便住彼國

說無垢稱經卷第五

說無垢稱經卷第五

校勘記

- 一 底本，金藏廣勝寺本。
- 一 九四五頁中六行「尋思」，**石**、**麗**作「思惟」。
- 一 九四五頁下一一行「乃余」，**石**作「余乃」。
- 一 九四五頁下一四行第八字「牀」，**石**作「座」。
- 一 九四六頁上一九行「告之」，**石**、**資**、**磧**、**普**、**南**、**徑**、**清**作「便告」。
- 一 九四六頁中一三行第七字「所」，**石**作「普」。
- 一 九四六頁中一五行「於彼佛」，**石**作「彼佛曰」。
- 一 九四六頁中二〇行「便可」，**石**作「等應」。
- 一 九四六頁下二〇行「種種」，諸本作「種種種」。
- 一 九四七頁上一五行「百劫」，**資**、**磧**、**普**、**南**、**徑**、**清**作「劫餘」。

- 一 九四七頁上一七行首字「知」，**資**、**磧**、**普**、**南**、**徑**、**清**作「智」。
- 一 九四七頁上末行第九字「任」，**磧**、**普**、**南**、**徑**、**清**、**麗**作「住」。
- 一 九四八頁上一行第七字「化」，**磧**、**普**、**南**、**徑**、**清**作「伏」。
- 一 九四八頁中一一行第九字「諸」，**磧**作「詣」。
- 一 九四八頁中一八行第九字「代」，**磧**作「有」。
- 一 九四八頁中二一行「心無」，**石**作「無所」。
- 一 九四八頁中二二行第一三字「有」，**磧**作「亦」。
- 一 九四八頁下一八行第一〇字「現」，**資**、**磧**、**普**、**南**、**徑**、**清**作「見」。
- 一 九四八頁下二二行首字「我」，**石**作「言我」。
- 一 九四八頁下二二行第九字「詣」，**磧**作「諸」。
- 一 九四九頁上一二〇行第一〇字「來」，**石**、**資**、**磧**、**普**、**南**、**徑**、**清**作「所」。

- 一 九四九頁上一二一行第七字「佛」，**石**作「便」。
- 一 九四九頁中七行第九字「未」，**資**、**磧**、**普**、**南**、**徑**、**清**作「味」。
- 一 九四九頁中二〇行第三字「已」，**磧**、**普**、**南**、**徑**、**清**、**麗**作「其已」。
- 一 九四九頁中二一行第九字「後」，**磧**作「彼」。
- 一 九四九頁下三行第三字「曾」，**石**、**磧**、**普**、**南**、**徑**、**清**、**麗**作「皆」。
- 一 九五〇頁中四行第一二字「無」，**徑**、**清**作「為」。
- 一 九五〇頁中七行第九字「威」，**磧**作「或」。
- 一 九五〇頁下九行第一二字「頃」，**資**、**磧**、**普**、**南**、**徑**、**清**作「前」。
- 一 九五〇頁下末行第五字「愛」，諸本作「受」。
- 一 九五二頁上一〇行第一二字「倦」，**磧**、**普**、**南**、**徑**、**清**作「捲」。
- 一 九五二頁中四行首字「雜」，諸本無。
- 一 九五二頁中一四行首字「染」，**南**

作「壞」。

一 九五頁中一四行第九字「閒」，
[磧、普、南、徑、清]作「界」。

一 九五頁中二二行第二字「勤」，
[石、資、磧、普、南、徑、清]作「勸」。

一 九五頁下二行第五字「念」，[石]
作「岑」。

一 九五頁下一九行第六字「靜」，
[石、資、磧、普、南、徑、清]作「滅」。

一 九五頁下一九行第一一字「隨」，
諸本作「墮」。

一 九五頁上三行第七字「二」，[徑、
清]作「三」。

一 九五頁上八行末字「熾」，[資、
磧、普、南、徑、清、麗]作「熾」。

一 九五頁中二行第一二字「爲」，[資、
磧、普、南、徑、清、麗]作「爲爲」。

一 九五頁下二行「散遍」，[石]作「遍
散」。

一 九五頁下六行第一〇字「住」，
[磧、普、南、徑、清]作「還」。



說無垢稱經卷第六

大唐三藏法師玄奘譯

精

觀如來品第十二

今時世尊問無垢稱言善男子汝先
 欲觀如來身故而來至此汝當云何
 觀如來乎無垢稱言我觀如來都無
 所見如是而觀何以故我觀如來非
 前際來非往後際現在不住所以者
 何我觀如來色真如性其性非色受
 真如性其性非受想真如性其性非
 想行真如性其性非行識真如性其
 性非識不住四界同虛空界非六處
 起起六根路不雜三界遠離三垢順
 三解脫隨至三明非明而明非至而
 至至一切法無障導際實際非際真
 如非如於真如境常无所住於真如
 智恒不相應真如境智其性俱離非
 因所生非緣所起非有相非無相非
 自相非他相非一相非異相非即所
 相非離所相非同所相非異所相非
 即能相非離能相非同能相非異能
 相非此岸非彼岸非中流非在此非

在彼非中間非內非外非俱不俱非
 已去非當去非今去非已來非當來
 非今來非智非境非能識非所識非
 隱非顯非聞非明無住无去無名无
 相無強无弱不住方分不離方分非
 雜淨非清淨非有為非無為非寂寂
 滅非不寂滅無少事可示无少義可
 說無施无慳無戒无犯無忍无恚無
 勤无怠無定无乱無慧无愚無諦无
 妄無出无入無去无來一切語言施
 為斷滅非福田非不福田非應供非
 不應供非能執非所執非能取非所
 取非相非不相非為非不為無數離
 諸數無導離諸導無增无減平等平
 等同真實際等法界性非能稱非所
 稱起諸稱性非能量非所量起諸量
 性無向无背起諸向背無勇无怯起
 諸勇怯非大非小非廣非狹無見无
 聞无覺無知離諸繫縛蕭然解脫證
 會一切智智平等獲得一切有情無
 二逮於諸法無差別性周遍一切无
 罪無憊无濁無穢无所導者離諸分
 别无作無生无虛無實无起無盡无

說無垢稱經第六卷 第五張 對舍利

曾無當无怖無涼无憂無喜无厭無
欣一切分別所不能緣一切名言所
不能說世尊如來身相如是應如是
觀不應異觀如是觀者名為正觀若
異觀者名為邪觀

亦時舍利子白佛言世尊此無垢稱
從何命終而來生此堪忍世界世尊
告曰汝應問彼時舍利子問無垢稱
汝從何沒來生此土無垢稱言唯舍
利子汝於諸法遍知作證頗有少法
可沒生乎舍利子言唯無垢稱无有
少法可沒生也無垢稱言若一切法
遍知作證無沒生者云何問言汝從
何沒來生此土又舍利子於意云何
諸有幻化所作男女從何處沒而來
生此舍利子言幻化男女不可施設
有沒生也無垢稱言如來豈不說一
切法如幻化耶舍利子言如是如是
無垢稱言若一切法自性自相如幻
如化云何仁者欵余問言汝從何沒
來生此土又舍利子沒者即是諸行
斷相生者即是諸行續相菩薩雖沒
不斷一切善法行相菩薩雖生不續

說無垢稱經第六卷 第四張 對舍利

一切惡法行相

亦時世尊告舍利子有佛世界名曰
妙喜其中如來号为無動是無垢稱
為度眾生從彼土沒來生此界舍利
子言甚奇世尊如此大士未曾有也
乃能捨彼清淨佛土而來樂此多難
穢處無垢稱曰唯舍利子於意云何
日光豈與世間開冥樂相雜住舍利
子言不也居士曰輪轉眾眾冥都息
無垢稱曰日輪何故行躡部洲舍利
子言為除闇冥作照明故無垢稱曰
菩薩如是為度有情生穢佛土不與
一切煩惱雜居滅諸眾生煩惱闇耳
亦時大眾咸生渴仰欲見妙喜功德
莊嚴清淨佛土無動如來及諸菩薩
聲聞等眾佛知眾會意所思惟告無
垢稱言善男子今此會中諸神仙等
一切大眾咸生渴仰欲見妙喜功德
莊嚴清淨佛土无動如來及諸菩薩
聲聞等眾汝可為現令所願滿
時無垢稱作是思惟吾當於此不起
于座以神通力速疾移取妙喜世界
及輪圍山園林池沼泉源谿谷大海

說無垢稱經第六卷 第五張 對舍利

江河諸蘇迷盧圍繞峯壑日月星宿
天龍鬼神帝釋梵王宮殿眾會并諸
菩薩聲聞眾等村城聚落國邑王都
在所居家男女大小乃至廣說无動
如來應正等覺大菩提樹聽法安坐
海會大眾諸寶蓮華住十方界為諸
有情作佛事者三道寶階自然涌出
從躡部洲至蘇迷頂三十三天為欲
瞻仰禮敬供養不勤如來及聞法故
從此寶階每時來下躡部洲人為欲
觀見三十三天園林宮室每亦從此
寶階而上如是清淨妙喜世界無量
功德所共合成下從水際輪上至色
究竟悉皆斷取置右掌中如陶家輪
若花鳥貫入此世界示諸大眾
其無垢稱既作是思不起于牀入三
摩地發起如是殊勝神通速疾斷取
妙喜世界置于右掌入此界中彼土
聲聞及諸菩薩人天大眾得天眼者
咸生恐怖俱發聲言誰將我去誰將
我去唯願世尊救護我等唯願善逝
救護我等時無動佛為化眾生方便
告言諸善男子汝等勿怖汝等勿怖

是無垢稱神力所引非我所能彼土初學人天等衆未得殊勝天眼通者皆悉安然不知不見聞是語已咸相驚問我等於今當何所往妙喜國土雖入此界然其衆相無減无增堪忍世間亦不迫迫雖復微此二界相離各見所居與本無異

尔時世尊釋迦牟尼告諸大衆汝等神仙普皆觀見妙喜世界無動如來在嚴佛土及諸菩薩聲聞等耶一切咸言世尊已見時無垢稱即以神力化作種種上妙天花及餘末香與諸大衆令散供養釋迦牟尼无動如來諸菩薩等於是世尊復告大衆汝等神仙欲得成辦如是功德在嚴佛土為菩薩者皆當隨學無動如來本所修行諸菩薩行

其無垢稱以神通力示現如是妙喜界時堪忍土中有八十四那由多諸人天等同發無上正等覺心悉願當生妙喜世界世尊咸記皆當往生無動如來所居佛土時无垢稱以神通力移取如是妙喜

世界無動如來諸菩薩等為欲饒益此界有情其事畢已還置本處彼此分離兩衆皆見

尔時世尊告舍利子汝已觀見妙喜世界無動如來菩薩等不舍舍利子言世尊已見願諸有情皆住如是莊嚴

佛土願諸有情成就如是福德智慧圓滿功德一切皆似無動如來願諸有情皆當獲得自在神通如無垢稱世尊我等善獲勝利瞻仰親近如是

大士其諸有情若但聞此殊勝法門當知猶名善獲勝利何況聞已信解受持讀誦通利廣為他說况復方便

精進修行若諸有情手得如是殊勝法門便為獲得法珍寶藏若諸有情信解如是殊勝法門便為紹繼諸佛

相續若諸有情讀誦如是殊勝法門便成菩薩與佛為伴若諸有情受持如是殊勝法門便為攝受無上正法

若有供養學此法者當知其室即有如來若有書寫供養如是殊勝法門便為攝受一切福德一切智智若有隨喜如是法門便為施設大法祠祀

若以如是殊勝法門一四句頌為他演說便為已逮不退轉位若善男子或善女人能於如是殊勝法門信解忍受愛樂觀察即於無上正等菩提已得授記

法供養品第十三

尔時天帝釋白佛言世尊我雖從佛及妙吉祥聞多百千法門差別而未曾聞如是所說不可思議自在神變解脫法門如我解佛所說義趣若諸有情聽聞如是所說法門信解受持讀誦通利廣為他說尚為法器決定無疑何況精勤如理修習如有有情關閉一切惡趣險徑開闢一切善趣夷塗常見一切諸佛菩薩降伏一切外道他論摧滅一切暴惡魔軍淨菩提道安立妙覺履踐如來所行之路復言世尊若諸有情聽聞如是所說法門信解受持乃至精勤如理修習我當與其一切眷屬恭敬供養是善男子善女人等世尊若有村城聚落國邑王都受持讀誦開解流通此法門處我亦與其一切眷屬為聞法故

說無垢稱經第六卷 第十張 樹字

共詣其所詣未信者當令其信諸已信者如法護持令無障難

余時世尊告天帝釋善哉善哉如汝所說汝今乃能隨喜如來所說如是微妙法門天帝當知過去未來現在諸佛所有無上正等菩提皆於如是所說法門略說開示是故若有諸善男子或善女人聽聞如是所說法門信解受持讀誦通利廣為他說書寫供養即為供養過去未來現在諸佛又天帝釋假使三千大千世界滿中如來譬如甘蔗及竹葦麻稻山林等若善男子或善女人經於一劫或一劫餘恭敬尊重讚歎承事以諸天人一切上妙安樂供具一切上妙安樂所居奉施供養於諸如來般涅槃後供養一一全身舍利以七珍寶起衆堵波縱廣量等四洲世界其形高峻上至梵天表柱輪盤香花幡蓋衆珍伎樂嚴飾第一如是建立一一如來七寶莊嚴衆堵波已經於一劫或一劫餘以諸天人一切上妙花鬘燒香塗香末香衣服幡蓋寶幢燈輪衆珍

說無垢稱經第六卷 第十張 樹字

伎樂種種供具恭敬尊重讚歎供養於意女何是善男子或善女人由此因緣獲福多不天帝釋言甚多世尊難思善逝百千俱那由更多劫亦不能說其福聚量佛告天帝如是如是吾今復以誠言語汝若善男子或善女人聽聞如是不可思議自在神變解脫法門信解受持讀誦宣說所獲福聚甚多於彼所以者何諸佛無上正等菩提從此生故唯法供養乃能供養如是法門非以財物天帝當知無上菩提功德多故供養此法其福甚多

卍

卍

余時世尊告天帝釋乃往過去不可思議不可稱量無數大劫有佛出世名曰藥王如來應正等覺明行圓滿善逝世間解无上丈夫調御士天人師佛世尊彼佛世界名曰大嚴劫名嚴淨藥王如來壽量住世二十中劫其聲聞僧有三十六俱那由更多數其菩薩衆十二俱那由時有輪王名曰寶蓋成就七寶主四大洲具足千子端嚴勇健能伏他軍時王寶蓋與其

說無垢稱經第六卷 第十張 樹字

眷屬滿五中劫恭敬尊重讚歎承事藥王如來以諸天人一切上妙安樂供具一切上妙安樂所居奉施供養過五劫已時寶蓋王告其千子汝等當知我已供養藥王如來汝等今者亦當如我奉施供養於是千子聞咒王歡喜敬受皆曰善哉一切協同滿五中劫與其眷屬恭敬尊重讚歎承事藥王如來以諸人天一切上妙安樂供具一切上妙安樂所居奉施供養

時一王子名為月蓋獨處閑寂作是思惟我等於今如是慇懃恭敬供養藥王如來頗有其餘恭敬供養寂勝過於此不以佛神力於上空中有天發聲告王子日月蓋當知諸供養中其法供養寂為殊勝即問云何名法供養天答月蓋汝可往問藥王如來世尊云何名法供養佛當為汝廣說開示王子月蓋聞天語已即便往詣藥王如來恭敬懇頂禮雙足右繞三匝却住一面白言世尊我聞一切諸供養中其法供養寂為殊勝

此法供養其相古何

藥王如來告王子曰月蓋當知法供養者謂於諸佛所說經典微妙甚深似甚深相一切世間極難信受難度難見幽玄細密無染了義非分別知菩薩藏攝持經王佛印所印分別開示不退法輪六到彼岸由斯而起善攝一切所應攝受善提分法正所隨行七等覺支親能導發辨說開示大慈大悲拔濟引安諸有情類遠離一切見趣魔怨分別闡揚甚深緣起辯內無我外无有情於中間無壽命者无養育者畢竟無有補特伽羅性空無相无願無作无起相應能引妙覺能轉法輪天龍藥叉健達縛等咸共尊重稱歎供養引導眾生大法供養圓滿眾生大法祠祀一切聖賢悉皆攝受開發一切菩薩妙行真實法義之所歸依寂勝無身由斯而起辯說諸法無常有苦无我寂靜發生四種法盟陀南遣除一切慳貪毀禁瞋恨懈怠妄念惡慧驚怖一切外道他論惡見執著開發一切有情善法

增上勢力摧伏一切惡魔軍眾諸佛聖賢共所稱歎能除一切生死大苦能示一切涅槃大樂三世十方諸佛共說於是經典若樂聽聞信解受持讀誦通利思惟觀察甚深義趣令其顯著施設安立分別開示明了現前復廣為他宣揚辯說方便善巧攝護正法如是一切名法供養

復次月蓋法供養者謂於諸法如法調伏及於諸法如法修行隨順緣起離諸邪見修習無生不起法忍悉入无我及無有情於諸因緣无違無諍不起異議離我我所无所攝受依趣於義不依於文依趣於智不依於識依趣於義所說契經終不依於不了義說世俗經典而生執著依趣法性終不依於補特伽羅見有所得如其性相悟解諸法入無藏攝滅阿賴耶息除無明乃至老死息除愁歎憂苦熱惱觀察如是十二緣起無盡引發常所引發願諸有情捨諸趣如是名為上法供養

佛告天帝王子月蓋從藥王佛聞說

如是上法供養得順法忍即脫寶來諸莊嚴具奉施供養藥王如來白言世尊我願於佛般涅槃後攝受正法作法供養護持正法唯願如來以神通力哀愍加威令得無難降伏魔怨護持正法修善行藥王如來既知用蓋增上意樂便記之曰汝於如來般涅槃後能護法城時彼王子得聞授記歡喜踊躍即於藥王如來住世聖法教中以清淨信棄捨家法趣於非家既出家已勇猛精進修諸善法勤修善故出家未久獲五神通至極究竟得陀羅尼無斷辯樂王如來般涅槃後以其所得神通智力經十中劫隨轉如來所轉法輪月蓋苾芻滿十中劫隨轉法輪護持正法勇猛精進安立百千俱那有情令於無上正等菩提得不退轉教化十四那度多生令於聲聞獨一覺乘心善調順方便引導無量有情令生天上

佛告天帝彼時寶蓋轉輪王者豈異人乎勿生疑惑莫作異觀所以者何應知即是寶焰如來其王千子即賢

說無垢稱經卷第六 第十五章 摩訶薩

劫中有千菩薩次第成佛軍初成佛名迦路迦孫馱如來軍後成佛名曰盧至四已出世餘在當來彼時護法月蓋王子豈異人乎即我身是天帝當知我說一切於諸佛所設供養中其法供養軍尊軍勝軍上軍妙軍為無上是故天帝欲於佛所設供養者當法供養無以財物

囑累品第十四

余時佛告慈氏菩薩吾今以是無量無數百千俱脰那度多劫所集無上正等菩提所流大法付囑於汝如是經典佛威神力之所住持佛威神力之所加護汝於如來般涅槃後五濁惡世亦以神力住持攝受於瞻部洲廣令流布無使隱滅所以者何於未來世有善男子或善女人天龍藥叉健達縛等已種無量殊勝善根已於無上正等菩提心生趣向勝解廣大若不得聞如是經典即當退失無量勝利若彼得聞如是經典必當信樂發希有心歡喜頂受我今以彼諸善男子善女人等付囑於汝汝當護念

說無垢稱經卷第六 第十六章 摩訶薩

今無障難於是經典聽聞修學亦令如是所說法門廣宜流布慈氏當知略有二種菩薩相印何等為二一者信樂種種綺飾文詞相印二者不憚甚深法門如其性相悟入相印若諸菩薩尊重信樂綺飾文詞當知為初學菩薩若諸菩薩於是甚深無染無著不可思議自在神變解脫法門微妙經典無有恐畏聞已信解受持讀誦令其通利廣為他說如實悟入精進修行得出世間清淨信樂當知是為久學菩薩慈氏當知略由四緣初學菩薩為自毀傷不能獲得甚深法忍何等為四一者初聞昔所未聞甚深經典驚怖疑惑不生隨喜二者聞已誹謗輕毀言是經典我昔未聞從何而至三者見有受持演說此深法門善男子等不樂親近恭敬禮拜四者後時輕慢憎嫉毀辱誹謗由是四緣初學菩薩為自毀傷不能獲得甚深法忍

慈氏當知略由四緣信解甚深法門菩薩為自毀傷不能速證無生法忍

說無垢稱經卷第六 第十七章 摩訶薩

何等為四一者輕蔑發趣大乘未久修行初學菩薩二者不樂攝受誨示教授教誡三者甚深廣大學處不深敬重四者樂以世間財施攝諸有情不樂出世清淨法施由是四緣信解甚深法門菩薩為自毀傷不能速證無生法忍

慈氏菩薩聞佛語已歡喜踊躍而白佛言世尊所說甚為希有如來所言甚為微妙如佛所示菩薩過義當悉皆究竟遠離如來所有無量無數百千俱脰那度多劫所集無上正等菩提所流大法我當護持令不隱滅若未來世諸善男子或善女人求學大乘是真法器我當令其手得如是甚深經典與其念力令於此經受持讀誦究竟通利書寫供養無倒修行廣為他說世尊後世於是經典若有聽聞信解受持讀誦通利無倒修行廣為他說當知皆是我威神力住持加護世尊告曰善哉善哉汝為極善乃能隨喜如來善說攝受護持如是正法余時會中所有此界及與他方諸來

菩薩一切合掌俱發聲言世尊我等亦於如來般涅槃後各從他方諸別世界皆來至此護持如來所得無上正等菩提所流大法今不隱滅廣宣流布若善男子或善女人能於是經聽聞信解受持讀誦究竟通利無倒修行廣為他說我當護持與其念力令無障礙

時此眾中四大天王亦皆合掌同聲白佛世尊若有村城聚落國邑王都如是法門所流行處我等皆當與其眷屬并大力將率諸軍眾為聞法故往詣其所護持如是所說法門及能宣說受持讀誦此法門者於四方面百踰繕那皆令安隱無諸障難无有伺求得其便者

尔時世尊復告具壽阿難陀曰汝應受持如是法門廣為他說令其流布阿難陀曰我已受持如是法門世尊如是所說法門其名何等我去何持世尊告曰如是名為說無垢稱不可思議自在神變解脫法門應如是持時薄伽梵說是經已無垢稱菩薩妙

吉祥菩薩具壽阿難陀及餘菩薩大聲聞眾并諸天人阿素洛等聞佛所說皆大歡喜信受奉行

說無垢稱經卷第六

校勘記

- 一 底本，金藏，廣勝寺本。
- 一 九五五頁中一五行第九字「際」，徑、瀾作「障」。
- 一 九五六頁上七行第四字「終」，資作「終」。
- 一 九五六頁上九行第四字「沒」，資、瀾、晉、南、徑、清作「歿」。
- 一 九五六頁上一五行第六字「作」，資、瀾、晉、南、徑、清作「生」。
- 一 九五六頁中九行第六字「士」，資、瀾、晉、南、徑、清作「士曰」。
- 一 九五六頁下一三行「輪上」，資、瀾、晉、南、徑、清無。
- 一 九五六頁下一五行首字「若」，資、瀾、晉、南、徑、清作「猶」。
- 一 九五七頁中一四行第九字「手」，資、瀾、晉、南、徑、清作「守」。
- 一 九五七頁下二行第六字「逮」，資、瀾、晉、南、徑、清作「近」。

一九五九頁上二〇行首字「辯」，麗作「詳」。

一九五九頁上二二行第五字「妄」，資、磧、普、南、徑、清作「忘」。

一九五九頁上末行首字「他」，麗作「邪」。

一九五九頁中一行第一三字「悉」，諸本作「悟」。

一九五九頁中一三行第四字「議」，資、磧、普、南、徑、清作「論」。

一九五九頁中二一行第五字「願」，資、磧、普、南、徑、清、麗作「願」。

一九五九頁下一三行第八字「斷」，資、磧、普、南、徑、清、麗作「斷妙」。

一九五九頁下一三行第九字「辯」，石作「女辯」。

一九五九頁下一九行首字「生」，磧、普、南、徑、清作「衆生」。

一九六〇頁中六行第一二字「知」，資、磧、普、南、徑、清、麗作「知是」。

一九六〇頁中一六行第一二字「未」，資作「未」。

一九六〇頁下二行第一二字「受」，資、磧、普、南、徑、清作「授」。

一九六〇頁下二一行第一一字「為」，資、磧、普、南、徑、清作「無」。

一九六一頁上二行第一三字「諸」，石、資、磧、普、南、徑、清作「別」。

一九六一頁上八行第四字「難」，資、磧、普、南、徑、清作「礙」。